

摘藻堂四庫全書薈要

史部

欽定四庫全書叢要

史部

御定資治通鑑綱目三編卷三十九
四十九

詳校官編修臣汪鏞



欽定四庫全書蒼要卷七千四百五十一史部

御定資治通鑑綱目三編卷三十九

起癸未明莊烈帝崇禎十六年凡二年
盡甲申明莊烈帝崇禎十七年

六年春正月李自成陷承天前巡撫僉都御史宋

鶴等死之

一鶴既趨承天與前留守沈壽崇鍾祥知縣蕭漢登
陣禦守五晝夜聞賊燔獻陵漢突圍出救賊琦環之
漢大呼鍾祥令在誰敢驚陵寢者賊挾之去不救說
降不聽城中人有通于賊者開門延之入城遂陷一
鶴壽崇及鄉官從所尚皆死分巡副使張鳳翥走入
山中賊拘漢僧寺謹視之求死不得乘守者懈乃自

到賊分兵傍掠潛江京山雲夢黃陂孝感等縣皆陷
雲夢知縣謀吉臣署黃陂知縣夏統春潛江鄉官歐
陽璉孝感感鄉官程道壽死之賊前鋒逼漢陽轉攻鄖
陽安察使高斗樞遊擊王光恩力守乃解去自成遂
據承天自號奉天昌義大元帥號羅汝才代天撫民
威德大將軍分其衆曰標營領兵百隊曰先後左右
營各領兵三十餘隊五營以序直晝夜次第休息巡
徽嚴密逃者謂之落草磔之收男子十五以上四十
以下者為兵凡精兵一人從以主芻掌械執繫者十
人軍令不得藏白金過城邑不得室處妻子外不得
攜他婦人寢興悉用單布幕錦甲厚百層矢礮不能
入一兵倖馬三四匹冬則以苒褥籍其蹠剖人腹為
馬槽以飼馬馬見人輒鋸牙思噬若虎豹軍止即出
較騎射曰站隊夜四鼓蓐食以聽令所過崇岡峻坡
勝馬直上水惟憚黃河若淮泗涇渭則萬衆起足馬
背或抱鬣緣尾呼風而渡馬脫所墜閘水為不流臨

陣列馬三萬名三堵牆前者反顧後者殺之戰久不
勝馬兵佯敗誘官兵步卒長鎗三萬擊列如飛馬兵
回擊無不大勝攻城迎降者不殺守一日殺十之三
二日殺十之七三日屠之凡殺人束屍為燎謂之打
亮城將陷步兵萬人環堞下馬兵巡徼無一人得免
張獻忠雖至殘忍不逮也諸營戰所獲馬羸者上賞
弓矢鉛銃者次之幣帛又次之珠玉為下自成不好
酒色脫粟粗糲與其下共甘苦汝才妻妾數十被服
絢綺帳下女樂數部厚自奉養自成嘗嗤鄙之汝才
衆數十萬用山西舉人吉珪為謀主自成善攻汝才
善戰兩人相須若左右手自成下宛葉克梁宋兵強
衆附有專制心顧獨忌汝才乃召汝才所善賀一龍
飲縛而殺之晨以二十騎斬汝才于帳中悉蕪其衆
自成在中州所掠城輒焚燬之及渡漢江謀以荆襄
為根本改襄陽曰襄京修襄王宮殿居之改禹州曰
均平府承天府曰陽武州他府縣多所更易又以牛

金星言設官爵名號以田見秀劉宗敏為權將軍李
巖賀錦劉希堯等為制將軍張鵬黨守素等為威武
將軍谷可成任為榮等為果毅將軍置五營二十二
將上相左輔右弼六政府侍郎郎中從事等官要地
設防禦使府曰尹州曰牧縣曰令封崇王由橫及郡
王被執者俱為伯官吏降者並受偽職偽侍郎喻上
猷薦所知李開先陳萬策賢可用具書幣微之開先
觸牆死萬策自經自成既殺汝才一龍尋又襲殺簡
養成奪馬守應兵于是十三家七十二
營諸大賊降死殆盡而自成缺忠獨存
質實 雲夢西
陸縣置明屬德安府今因之教取後唐置明屬德安
府今改屬漢陽府黃陂高齊置明屬黃州府今改屬
漢陽府宋一鶴先以襄陽陷奪職戴罪一鶴連疏引
疾下所司核實許解官候代未行及于難沈壽崇軒
城人都奇有客子許巡按劾罷亦未行蕭漢字雲濤
南昌人從所尚鍾祥人官刑部主事與子士默士熊

皆不屈死。謫吉臣南昌人。夏統春桐城人。為黃陂縣丞。攝縣事。遷麻城。知縣未赴。賊攻城。督衆拒守。凡十五晝夜。賊忽解去。統春度賊必至。而衆已疲甚。休于突。閱五日。賊果突至。城遂陷。統春巷戰。力竭被執。欲屈之。統春指賊魁大罵。賊怒。斷其右手。復以左手指賊罵。又斷之。罵不已。乃割其舌。日怒視。皆欲裂。又刑其目。猶以頭觸賊。遂支解之。歐陽璘官盱眙。知縣歸里。賊陷潛江。被執。與妻廖氏同殉。節程道壽嘗為來安知縣。賊陷。孝感置掌旅守之道壽。結里中壯士擊我掌旅。賊復至。杖之繫獄。令為書。招程良箐。道壽曰。我不能助良箐滅汝。肯助汝耶。遂見我。程良箐字持卿。孝感人。工部尚書註子也。與同邑參政夏時亨築壘于縣境之白雲山。以禦賊。賊使說降良箐。毀其書。賊怒。設長圍攻之。相持四十餘日。解去。既而漢陽武昌為張獻忠所陷。四面皆賊。獨白雲孤處。其間賊頗患之。良箐復號召遠近諸寨。與官兵犄角。進兵恢復。

孝感雲夢進蔣德安兵敗進保伯連寨寨中人素通賊為內應良等遂被執說降不屈罵之密宣尋左良玉遣將攻德安賊懼擁良等令止外兵不從逼良等皆行又不從遂被殺崇王由橫脅授偽職為襄陽伯今諭降州縣之未陷者不從殺之于泌陽城喻上猶石首人嘗為御史李開先陳萬策皆陵舉人本朝乾隆四十一年進謚蕭漢忠烈宋一鶴沈壽崇謚吉臣夏統春烈愍從所尚歐陽璲程道壽程良等節愍李開先陳策入祠其時紳士禦賊被害者又有汝寧照磨張大道雲夢生員朱啟觀安樂生廖應元並予入祠張大道宜都人家居流賊據宜都大道圍緝義兵二十餘人攻城為賊所襲父子五人俱力戰死袁族觀廖應元皆結寨禦賊賊攻破之應元以罵賊射死啟觀礮死

二月乙丑朔日有食之

賊陷武岡州殺岷王企鰲

賊黨馬守應陷澧州窺常德土寇甘明揚等應之攻破武岡州縱掠岷岵岷王企鰲遂遇害生員朱承孟率子夢郵督鄉兵勦之為賊所感投潭水死夢麟戰歿先是湖南土寇有飛天王江長子洪老穀者橫行湘鄉安化益陽寧鄉間犯湘潭長沙總兵尹先民合兵勦之戰桃花江陣斬飛天王俘江長子洪老穀溺死賊悉定而臨武劉新字藍山李荆楚復大熾謂之臨藍賊據山砦納亡命同出犯常德衡州圍桂陽州先民率裨將貢王欲土司譚抑庭來援圍始解尋以二百餘艘由衡湘犯長沙攻十餘日不克乃引去轉攻永州直逼永州將由東安水道入廣西于是合湖廣廣東廣西福建兵會勦沅撫陳睿謨檄先民將主客兵萬五千人討劉新字敗賊銅梁橋用計縛新字誅之餘賊推新字弟秀字為主嬰險阻以拒官軍

四路奪隘入直抵其巢擒秀字廣東廣西福建兵分
道入監山藤木賊羈不得進遂縱火焚之乘烟而上
先後殺賊首曾戒奴郭子奴等李荆楚就縛臨監賊
平而諸盜時竊發患不得息及是竟陷岷藩勢張甚
巡按御史劉熙祚馳擊甘明揚于常德破其衆斬明
揚方還兵長沙而張獻忠已臨江欲渡湖南大震矣
是時流賊弄兵十五六年蹂躪半天下獨浙江江西
福建廣東廣西未罹其患顧常患土寇江西有九連
山賊攻掠贛州之龍南定南惠州之和平潮州之平
遠廣東有羅岡賊張惟元流擾程鄉及福建之上杭
武平清流偕號永興稱為王而浙江則有許都之亂
許都者東陽諸生副使達道之孫家富任俠好施陰
以兵法部勒賓客子弟思得一官紹興推官陳子龍
常薦諸上官不用會有義烏奸人假中官名招兵者
都無與也東陽知縣姚遜木利都所有文致都求賂
不應都葺母山中會者萬人遜木告監司曰都反矣

遣役收捕之送葬者大梁遂裏帛反號白頭兵旬日
間聚象數萬連攻陷東陽義烏浦江遂逼金華既而
引去巡按御史左光先命子龍為監軍往討稍有俘
獲都退屯山中宮軍仰攻不能下監司欲撫之語子
龍曰賊聚糧據險非曠日不克我兵萬人止五日糧
奈何子龍曰都舊識也請往察之乃單騎入都營責
數其罪諭令歸降待以不死遂挾都走山中散遣其
衆而以其二百人降光先乃斬都等六十餘人于江
自是一二年間浙東土寇盡

質寶

湘鄉東漢析浙南
縣地置安化宋析

起皆稱白頭兵蓋自都始

益陽縣地置寧鄉宋析長沙縣地置明並屬長沙府
湘潭秦湘南蕭梁改湘潭元升州明復為縣亦屬長
沙府今悉因之桃花江在益陽縣西南六十里源出
梓梁巖西北流逕浮邱山北又北流四十里入資江
臨武漢縣五代晉省入平陽宋復置藍山縣漢南平
隋改藍山明並屬桂陽州以隸于衡州府今徑屬桂

陽州桂揚州唐監宋升為軍元改路明降州屬衡州府本朝雍正十年升直隸州東安宋以零陵縣之東安場置明屬永州府今因之銅梁橋在嘉禾縣東南三十里藍山在桂陽州西百里按臨武藍山二縣界蒼萃蒼翠浮空如藍定南明隆慶二年析龍安遠信豐三縣地置屬贛州府今因之平遠明嘉靖四十三年析興寧程鄉二縣地置屬潮州府今改屬嘉應州羅岡山在興寧縣北八十里清流宋析長汀寧化二縣地置明屬汀州府東陽唐析義烏地置明屬金華府今皆因之岷王企鰭莊王樞九世孫劉熙祚字仲緝武進人陳子龍字臥子松江華亭人左光先桐城人光斗弟也本朝乾隆四十一年袁承孟及子夢麟並入祠

三月左良玉軍作亂南京戒嚴

良玉既縱掠武昌居二十餘日李自成前鋒逼漢陽
乃避之東去居人登蛇山以望叫呼更生曰左兵過
矣良玉所部多降兵叛卒桀悍不馴裨將王允成為
亂首擁兵十餘萬自九江而下破建德劫池陽去蕪
湖四十里泊丹三山荻港漕艘鹽船盡奪以載兵聲
言餉乏欲寄柁于南京南京文武大吏相顧愕眙陳
師江上為守禦士民一夕數徙商旅不行都御史李
邦華被召道湖口歎曰中原安靜土東南一角耳身
為大臣忍坐視決裂袖手而去耶草檄告良玉以危
詞動之良玉氣乃沮邦華用便宜發九江庫銀十五
萬餉之而身入其軍開誠慰勞一軍稍安邦華入見
帝論良玉潰兵之罪請歸罪于王允成帝乃令良玉
誅允成而獎其能定變良玉卒留允成于軍中不誅
也良玉以賊萃湖北不敢嬰其鋒遂留安慶久之徐
湖九江而上當是時官軍所至輒肆攻剽鳳陽總督
馬士英遣使者李章王微貴州兵討賊于道掠江西

為樂平吏民所拒擊比抵徽州境復大掠民遂以為賊羣起破走之章玉諱言激變謂殺民抗拒官軍實

在籍御史金聲及推官吳翔鳳所主使士

質實

蛇山在武

英以聞聲雨疏陳辨帝察其無罪不問

昌府城內東隅一名高危山即黃鵠山支阜建德漢石城縣地唐初為秋浦縣地至德二載始分置至德

縣五代楊行密改建德明屬池州府今因之池陽謂

貴池青陽貴池隋秋浦縣楊行密改貴池明改為池

州府至今因之三山在繁昌縣東北三十五里山之

東為三山磯荻港在繁昌縣西五十里吳翔鳳大興

籍南

昌人

發明

左良王驍勇善戰屢殲巨盜一時威名出諸將右乃以驍亢生心緩追養寇督師檄調而

不前將士敗亡而不救敗寇極矣甚且縱兵淫掠破邑攻城致令居人畏左軍甚于畏盜兵是平盜

者又增一盜矣潰兵之變向使無邦華之檄告權
宜戢亂其勢必有不可言者朝議但歸罪于偏裨
而轉獎其能定變可謂舍豺狼而問狐狸而良玉
乃竟匿允成而不誅此其意中寧復有朝廷哉而
當時尚欲倚以辦賊是但知其材任
攻戰而不知其行已同于盜賊矣

夏四月我

大清兵北還

大清兵自山東還至近畿諸路援軍亦隨而北終未敢
一戰給事中熊汝霖因言兵入牆子嶺以來南北往
返諸軍謹隨于後如屬隸之于貴官負弩前驅望塵
靡及何名為將何名為督師帝泐然之汝霖復言外
縣雖民紛紛入都不云避兵而云避援軍兵破霸州
未嘗殺俘百姓援軍繼至遂無孑遺朝廷歲費數百

萬金錢以養兵豈欲毒我赤子帝惡其語激譴為福
建按察使照磨而近畿烽火日亟帝愛甚大學士吳
姓方奉命辦流寇周延儒不得已自請視師帝大喜
降手勅獎以名虎裴度賜章服白金文綺上駟給金
帛賞軍延儒駐通州亦不敢戰惟與幕下客飲酒娛
樂而日騰章及

大清兵北旋至懷柔趙光升合唐通白廣恩等八鎮兵
邀戰于螺山皆潰總兵張登科和應薦敗破延儒偵
大清兵已還乃言兵退請下兵部議將更功罪遂歸京
師時援軍多畏縮觀望其以死事聞者有大同參將
吳希稷守備張爾塾與登科等先後奮戰力不支死
是冬

大清兵攻寧遠前屯總兵李輔明馳救破于陣而寧遠
總兵王定宸及別將李鳴鳳羅文耀陶宗儀陽倫皆
與城質實螺山在懷柔縣北吳希稷連城人張爾塾
大同人王定宸李鳴鳳羅文耀楊倫皆遼

東人陶宗儀密雲人 本朝乾隆四十一年追謚張
登科和應薦吳希稷張爾塾李輔明楊倫烈愍王定
宸李鳴鳳羅文
耀陶宗儀節愍

五月以魏藻德為少詹事兼東閣大學士預機務

藻德以十三年舉進士既殿試帝思得異才復召四
十八人于文華殿問方畧藻得口才捷給自叙十一
年佐有司守通州功帝善之擢置第一授修撰及都
城戒嚴疏陳兵事又召對稱旨帝意其有抱負擢禮
部右侍郎兼東閣大學士入閣輔政藻德力辭部銜
乃改少詹事正統末年兵事孔棘彭時以殿試第一
人踰年即入閣然以原官預機務未有起拜大學士
者陳演見帝遇之厚曲相比附八月補行會試引為
副總裁越蔣德璟黃景昉而用之藻德居位
一年無所建白但倡議令百官捐助而已
質實

德順天
通州人

吳姓罷

帝以襄陽荊州水天連陷台對廷臣隕涕謂姓曰卿向歷巖疆可往督湖廣師姓具疏請得精兵三萬自金陵趨武昌扼賊南下帝方念湖北覽疏不悅留中姓請面對帝以所需兵多猝難集南京隔遠不必退守姓奏言左良玉跋扈甚前督師楊嗣昌九檄徵兵一旅不發臣不如嗣昌而良玉踞江漢甚于曩時臣節制不行徒損威重南京從襄陽順流而下窺伺甚易宜兼顧非退守也大學士陳演言督師出則督撫兵皆其兵姓言臣請兵正謂督撫無兵耳使臣束手待賊事機一失有不忍言者帝乃令兵部速議發兵尚書張國維請以總兵唐通馬科及京營兵共一萬畀姓又言此兵方北行俟撤備後始可調帝命姑俟

之姓屢請帝曰徐之撤備則兵自集卿獨往何益踰
月周延儒出督師朝受命夕啟行蔣德璟謂倪元璐
曰上欲吳公速往緩言相慰者試之耳觀首輔疾趨
可見姓卒遲回不肯行卻所撥唐通兵演又以闕門
不可無備請留之姓不得已以是月辭朝先一日出
勞從騎帝猶命中官賜銀牌給賞越宿忽下詔責其
逗遛命輟行入直姓惶恐兩疏引罪遂許致仕既行
演與錦衣駱養性交構之帝益怒及周延儒以賄敗
帝作色曰兩輔臣負朕朕待延儒厚乃納賄行私罔
知國法命姓督師百方延緩為委卸地延儒被糾姓
何獨無既而曰朕雖言終必無糾者錦衣衛可宣姓
候旨姓入都救法司議罪遣戍金齒南京兵部尚書
史可法馳
疏救不從

周延儒罷

延儒自通州還朝繳上督師敕帝即令藏貯以識勲勞論功加太師廕子中書舍人賜銀幣蟒服延儒辭太師許之居數日掌錦衣衛事駱養性及中官盡發所刺軍中事帝乃大怒責延儒蒙蔽推諉下廷臣察議陳演等公揭救之延儒席藁待罪自請戍邊帝猶降溫旨言卿報國盡忱終始勿替許馳驛歸賜路費百金以彰保全優禮之意及廷臣議上帝復諭延儒功多過少令免議延儒遂歸

以倪元璐為戶部尚書

祖制浙人不得官戶部元璐辭不許帝眷元璐甚五日三賜對元璐言陛下誠用臣臣請得參兵部謀帝曰已諭樞臣令與卿協計時馮元鵬為兵部尚書與元璐同志鉤考兵食中外想望治平惟帝亦以用兩人晚元璐以新制遣科臣出督四方租賦徒擾民無益督餉侍郎憂為盜劫遠避之長沙衡州餉終不克

辦並乞罷之乃責成督撫按臣無煩朝使自軍興以來正供之外有邊餉有新餉有練餉款目繁多黠吏為奸當合為一帝皆報可而時事益不可為左支右絀災傷蠲免頗多漕運時為土寇所沮于是言國計者紛起崇明人沈延揚獻海運策元璐請以海艘六試行之月餘運已至帝大嘉遂命漕運與海運兼行未幾有蔣臣者請行鈔法帝即擢為戶部司務元璐亦力贊之終不可行而止帝又嘗以御史王變言收銷舊錢但行新錢新錢彌惡雜鉛砂大半梓擲破碎百不盈寸而古錢銷煨頓盡蓋自隋世盡銷古錢至是凡再見尋又救鑄當質寶

蔣臣桐城人王變商邱人

五錢不及鑄而國亡

張獻忠陷武昌沉楚王華奎于江前大學士賀逢聖等死之

先是左良王避自成東下盡撤湖廣兵自從獻忠聞之乘虛襲陷黃梅廣濟生員張開熙李化龍孫仍盧如鼎殉焉進薄蘄州知州許文岐擢督糧參政當行歎曰吾為天子守孤城三載矣分當死封疆雖危急奈何棄之檄參將毛文富出屯近郊為固守許文富劫闕廂馳去荆王府將枝郝承忠者潛通獻忠導其衆悉力來攻文岐發礮斃賊頗多夜將半雪盈尺賊破西門入文岐巷戰雪愈甚礮不得發與指揮岳璧同被執獻忠欲脅兩人降璧厲聲曰我世臣也城亡與亡豈降賊賊乃殺璧而羈文岐于後營盡屠州民鄉官饒京張邦翼李樹初李樅李新董一化皆死文岐與舉人奚鼎鉉等數十人同就繫文岐密謂曰觀賊老營多烏合凡此數萬賊皆被掠良民若告以大義同心協力賊可殲也陰相結寇期舉事謀洩遇害賊大衆入黃州同知朱統鈎禦之歿于陣黃民多棄家逃乃驅婦女剷城尋殺之以填塹黃岡知縣孫自

一縣丞吳文變衛指揮郭以重鄉官樊維城舉人於
斯行武舉王子監生員馮雲路史之見汪延陸義民
於秀負曹上謨曹大宸不屈死賊分兵攻黃陂麻城
黃陂知縣趙元有主簿韓聞孝生員傅可知俱先後
死難湖南將馬人龍援麻城戰歿有大姓奴湯志者
投諸生六十人以城降署縣事教諭蕭頌聖死之獻
忠乃改麻城為州是時黃州屬邑皆陷蘄水縣丞吳
文奕教諭孫諱訓導童天申羅田守將郭金城生員
王邦衛與子鯉並殉節獻忠引兵西犯漢陽武昌震
懼前巡撫宋一鶴既死代者久不至武昌知府江夏
知縣並以朝覲行楚府左長史徐學顏攝縣事急修
守具然武昌素不宿重兵城空虛或議撤江上兵以
守參將崔文榮曰守城不如守江江中鴨蛋諸洲淺
不及馬腹縱之飛渡而坐守孤城非策也當事不從
賊以渡江陷武昌縣殺知縣鄒降吉縣無人賊出營
樊口文榮軍洪山寺扼之既斂兵入城以他將代守

賊全軍由鴨蛋洲畢渡抵洪山守將亦退入城文榮
偕達聖固守賊攻之不能下監軍參政王楊基時已
擢右僉都御史巡撫承天德安郡未聞命尚駐武昌
見勢急與推官傅上瑞詭言有事漢陽開門遁去人
情益洶洶先是達聖詣楚府乞發帑募士楚王出太
祖所分金裏交椅一于庭曰惟此可作軍需耳他何
有達聖哭出及寇警日急始出資募兵而應募者率
蕪黃潰卒及賊間諜反開門納賊文榮方出擊還閱
城扉不及躍馬大呼殺三人賊攢槩刺之洞胸死學
顧格鬪斷左臂大罵不屈為賊支解死達聖被執叱
曰我朝廷大臣若曹敢無禮賊麾使去投水死武昌
通判李毓英教諭王會篇衛經歷汪文熙江夏巡檢
戴良璵鄉官吳恩溫舒願應貢其志保舉知縣傳如
珪張鳴錦舉人謝淳培貢生何應輪生員熊霽明容
皆不屈死都司徐至美守黃鶴樓重創死賊乃縛楚
王華奎籠而沉諸江盡殺楚宗室錄男子二十以下

十五以上為兵餘皆殺之田鸚鵡洲至道士泐浮荷
被江月餘人脂厚累寸餘寵不可食獻忠遂僭號改
武昌曰天授府江夏曰上江縣據楚王第鑄西王之
寶偽設尚書都督巡撫等官開科取士下令發楚卹
金振饑民蕪黃等

質寶

鴨蛋洲一作科彈州在江夏縣東北江中樊口在武昌縣

西北五里洪山寺一名寶通寺在江夏縣東十五里
洪山下黃鶴樓在夏江縣西鸚鵡洲在江夏縣西南

二里道士泐在大冶縣東九十里古名士泐鎮領逢
聖當城陷時載全家以舫艘出散子湖鑿其舫艘妻

危氏子覲明光明子婦曾氏陳氏孫三人皆弱死初
賊連陷蕪黃逼江夏有大冶人尹如翁逢聖門生也

走三百里持一僧帽一袈裟來貽逢聖逢聖反其衣
曰子第去無憂我如翁去賊陷大冶死之逢聖既殉
節越百有七十日屍出浮水上面如生以冬十一月
壬子殮大更葵之江夏縣之南紙坊許文岐字我西

仁和人岳壁蘄州人世為衛指揮饒京官監察御史
張邦翼官江西布政使李樹初官山西按察副使李
樾官遵化兵備副使李新官陝西僉事舉家被執賊
欲屈之新叱曰我昔官秦中爾輩方為廝養今日肯
屈膝廝養耶賊怒新抱父屍就刃董一化官印江知
縣朱統錮新建人孫自一光州人吳文燮閩人郭以
重黃州人世為衛指揮聞城陷自他所來赴難其妻
欲止之叱曰朝家畀我十三葉金紫不能易一死哉
吾將先殺汝妻乃不敢言既至遇賊欲脅之去堅不
從露刀櫛之乃好謂賊曰從汝非難但抱呱呱兒者
吾妻也汝為我殺之吾無累矣賊如其言以重即奪
賊刀擊斬一賊羣賊擁至遂投水死樊維成官福建
兵備副使趙元有晉江人守城戰死馮雲路字漸卿
從賀逢聖講學賊將渡江雲路賂書逢聖曰在內以
寧湖為止水在外以漢江為汨羅寧湖者雲路設經
處也城既陷乘舟入寧湖賊遣使來聘投湖死薛聞

禮武進人歲歲民通漕粟聞禮餼于所知得千金以
代居適賊陷黃陂愛其才扶與俱去暮即亡歸殺賊
所置偽官令士民遠避挺身任之遂被殺傳可知以
孝稱賊執之憐其年既老不殺令飼馬罵賊聲不絕
口遂被害馬人龍鎮簞人蕭頌聖定遠人童天申施
州人徐學顏字君復永康人一家二十餘人皆殉節
崔文榮海寧衛人傅上瑞武定人李毓英固安人王
會篇漢陽人吳思溫官廣西布政使舒顯應官鳳翔
知府共其志官霍山知縣傅如珪保舉知縣未任張
鳴錦官指揮千戶謝淳培何應軫皆江夏人熊霽字
渭公黃岡人移居武昌喜邵子皇極書頗言未來事
城破前一日貽書其友人曰明日當覓我某樹下及
期行樹傍賊追至躍入河池以死明睿江下人城破
賊獨不入其門睿慨然曰安有父母之邦淪覆而偷
生苟活者與妻及二子二女諸婢以次投井死時人
號為明井徐至美上虞人有朱士鼎者為巡江都司

城陷被執賊喜其勇敢欲大用之戰手大罵賊斷其
右手乃以左手染血灑賊賊又斷之不死賊退令入
縛筆于臂能作楷字招集舊卒訓練如常本朝乾
隆四十一年追謚賀逢聖忠愍許文岐李新崔文崇
忠節岳壁郭以重樊維城李聞禮徐學顏徐至美烈
愍饒京張邦翼薛樹初李樾董一化朱統錫孫自一
趙元有馬人龍蕭頌聖郭金城李毓英吳思溫舒顯
應貢其志傳如珪張鳴錦節愍張聞熙等及尹如翁
並入祠

六月范志完有罪下獄

先是志完為督師逗遛不進次山東縱兵淫掠為兵
備僉事雷續祚所劾帝令續祚再陳志完者首輔周
延儒門生也續祚意有所忌久不奏及延儒下廷議
續祚乃奏言志完兩載僉事驟陟督師非有大黨何

以至是方德州被攻不下轉攻臨清又五日志完始至聞後部破景州則大懼欲避入德州城漏三下邀臣議臣告以督師非入城官薊州失事由援兵內潰志完不懌而去若夫座主當朝罔利曲庇隻手有燎原之勢片語操生死之權稱功頌德徧于班聯臣不忍見陛下以周召待大臣而大臣以嚴嵩薛國觀自待也臣外藩小吏乙榜孤蹤不言不敢盡言不敢陛下虛懷俯納故不避首輔延儒與舉國媚附時局畧進一言帝益心動下志完獄召續祚入對親鞠志完于中左門質其逗遛淫掠狀皆實帝問續祚稱功頌德者誰對曰延儒招權納賄如起廢清獄蠲租皆自居為功考選臺諫盡收門下凡求總兵巡撫者必先賄幕客董廷獻帝怒連廷獻論志完死已又曰志完與趙光抃皆逗遛河間獨罪志完詐服其心乎遂并連光抃光抃嘗薦總兵白廣恩廣恩抗不赴質實雷名帝以是益惡光抃卒與志完同日斬西市質實雷

祥太

湖人

雷震奉先殿

遣官告太廟
殺羣臣修省

秋七月京師大疫

自二月至是月死者無算詔發帑
療治瘞五城暴骸且命釋輕繫

八月張獻忠陷湖南諸府

獻忠既僭號武昌李自成在承天聞之忌且怒貽之
書曰老回回已降曹操輩誅死行及汝矣左良玉兵
後西上偽官吏多被擒殺獻忠懼衆趣湖南岳州
大震承天巡撫王楊基率所部千人自岳州奔長沙

推官蔡道憲請還駐岳州曰岳與長沙唇齒也并力
守岳則長沙可保而衡永亦無虞楊基曰岳非我屬
也道憲曰棄北守南猶不失為楚地若南北俱棄所
屬地安在揚基語塞乃赴岳州及賊入蒲圻揚基即
遁去湖廣巡撫王聚奎遠駐袁州憚賊不敢進道憲
亦請移岳州聚奎不得已至岳數日即徙長沙道憲
曰賊去岳遠可繕城以守彼犯岳猶憚長沙援若棄
岳長沙安能猶全聚奎不從賊果逼岳州沅撫李乾
德總兵孔希貴禦賊于城陵磯三戰三克殲其前部
獻忠起百道並進乾德等不支皆走岳州陷獻忠欲
渡洞庭湖卜于神不吉投攻而詢將渡風大作獻忠
聯巨舟千艘載婦女焚之火光燭水夜如晝遂易騎
以犯長沙巡按御史劉熙祚先令道憲募壯丁五千
與總兵官尹先民等扼羅塘河聚奎聞賊至大懼急
撤兵還城自衛道憲曰去長沙六十里有險可柵以
守毋使賊踰此人不從賊薄城士民盡竄聚奎詭出

戰連率所部走湘潭會惠王避地至長沙與吉王謀
出奔熙祚奉以奔衡州獨道憲登陴禦守賊遠城呼
曰軍中久知蔡推官名連降無自苦道憲命守卒射
之斃尋先民出戰敗還賊奪門入先民降道憲被執
賊啗以官噉齒大罵賊曰汝不降將盡殺百姓道憲
大哭曰顧連殺我母害百姓時有健卒林國俊李師
孔陳賢劉士鳳等隨道憲不去賊令說道憲降國俊
曰吾主畏死去矣不至今日賊曰爾主不降爾輩亦
不得活國俊曰我輩畏死亦去矣不至今日賊知道
憲終不可奪磔之其心血直濺賊面賊將并殺國俊
等四人四人憤然曰願盡主屍而死賊許之乃以給
事中史可鏡為偽巡撫俾守長沙引兵進薄衡州聚
奎兵自湘潭先至衡大焚掠桂王及吉惠二王登舟
避亂熙祚單騎赴永州為城守計聚奎復避賊走祁
陽衡州又陷獻忠折桂府材載至長沙造偽殿而自
率兵追三王三王奔至永州聚奎率所部相繼至劫

庫金去永州士民空城逃熙祚乃令其中軍護王王
走廣西已留永州死守城陷見殺又陷寶慶常德發
故督師楊嗣昌祖墓斬其屍見血攻道州守備沈至
緒戰歿其女再戰奪父屍還城獲全當是時岳州長
沙常德衡永寶慶郴州之屬多為獻忠所破而自成
竊據承天遣其黨高一功馮雄據襄陽任繼光據荆
州蒲養成牛萬才據夷陵白旺據安陸蕭雲據荆門
謝應龍據漢川賊偽官徧諸郡縣諸郡縣將吏之殉
于城守及鄉官士庶不出死者湖北則援勦都司張
應禮均州知州胡承熙布衣李友竹嘉魚知縣王良
監蒲圻知縣曾拭安陸知縣濮有容江陵知縣索問
科諸生謝幼安隨州吏目沈元鑑歸州千戶呂調元
京山典史張自新諸生李哲夷陵鄉官李云應山舉
人劉申錫沔陽諸生朱日薦鍾祥諸生劉振孫雲夢
諸生柳宗旦張用晦施爾奇柳列奎李善昌左璞李
聯孝感諸生熊延祚湖南則衡州府張任寶慶知府

李振廷通判何三傑常德同知朱國治長沙通判周
二南岳州通判劉璧臨湘知縣林不息湘陰知縣楊
開諸生黃鳳德醴陵知縣萬賴擢諸生文昌拱寧鄉
知縣莫可及安化知縣袁繼即衡陽知縣張鵬翼衡
山知縣董我前教諭彭允中桂東知縣母崇正瀏陽
大圍山守備王元封署武陵縣衡州教授時道亨鄉
官陽鵲諸生周芻柳之彥益陽教諭賴大雅鄉官陸
有光諸生易應達已陵教諭歐陽顯宇邵陽教諭王
級諸生劉源澄曾士選劉養生布衣劉人儼陳邦基
長沙縣丞吳士義武生蕭健善化舉人馮一第諸生
李有斐東安舉人唐德明湘潭諸生譚景悅蕭贊黃
文炳子甲譚孔昭譚思猷子清遠耒陽諸生謝如珂
皆死賊難于是湖南北十五府陷者十三辰州以土
司塞辰龍關鄖陽以按察使高名衡遊擊王光恩百
計捍禦獨得存然鄖陽四面皆賊中朝謂其已陷不
復設撫治是年夏斗樞上請兵疏始知鄖存衆議即

任斗樞為撫治陳演與之有隙乃招知府徐啟元右
僉都御史任之加斗樞太僕少卿路阻亦不能達也
而武昌諸生程天一孝感布衣易道三集鄉勇討賊
監軍適王瓚沔陽知府章曠起兵應之斬黃漢陽三
府旋反正良玉亦入武昌立軍府駐其師聞獻忠已
入江西遣副將吳學禮往援巡撫郭都賢惡其淫掠
檄歸之自募土人戍守未幾吉安袁州建昌撫州俱
告陷吉安通判邵夢河安福舉人正之爵諸生周國
柱分宜貢生張兆蘭峽江諸生胡若坦吉永布衣徐
士驥並以殉節著廣東南韶大震屬城盡逃副使王
孫蘭請救不應連城守將先據城叛憤而自經兵部
侍郎呂大器方代侯恂為總督無兵不能救良玉以
恂解任中道逮下獄知其為已心鞅鞅與太器齟齬
亦不援其部將馬進忠馬士秀連復岳州袁州已而
進忠與賊戰嘉魚再失利良玉軍遂不至顧獻忠終
憚良玉不敢南巡有獻計取吳越者謝不用決策入

川質實

蒲折晉置舊在嘉魚西南隋移今治明屬武昌府今因之城陵磯在巴陵縣北十五里蜀

江西來洞庭南注合流于此為一郡水口羅塘河在

長沙縣北醴陵坡在善化縣東南祁楊三國吳折泉

陵縣置舊治在縣東唐移今治明屬永州府漢川唐

析漢陽縣地置江川縣宋改義川尋曰漢川明屬漢

陽府嘉魚隋于沙羨縣地置鮎漬鎮唐改嘉魚縣明

屬武昌府醴陵東漢置元升州明復為縣屬長沙府

桂東宋析桂陽縣地置明屬彬州瀏陽三國吳析長

沙縣地置明屬長沙府今悉因之大圍山在瀏陽東

北一百五十里一名首碑山東接江西瑞州府新昌

縣界北接江西南昌府寧州界邵陽漢昭陵縣晉改

邵陵隋改邵陽明為寶慶府治來陽漢縣元升州明

復為縣屬衡州府今並因之辰龍關在沅陵縣東安

福漢安城唐改安福元升州明復為縣屬吉安府今

因之蔡道憲字元白晉江人王聚奎邵縣人李乾德

西元人吉王慈燧簡王見浚八世孫史可鏡長沙人
以丁艱歸降賊賊入四川李乾德覆運長沙執可鏡
榜掠械送南京伏法張應李遂寧人胡承熙歙人遷
刑部員外郎未行賊陷均州與子爾英俱殉節王良
鑑霍山人曾斌臨川人濮有容分水人一門十九人
皆死難素問科珙縣人賊陷城避之鎮雄賊索得闔
家遇害沈元鑑金壇人呂調元歸州人賊至招降不
屈率義勇戰死張自新分宜人統民兵勦賊戰死于
羅漢嶺李雲宮疑州知州有惠政謝歸城陷被執至
江陵絕粒死張任三水籍三原人與賊戰舟中闔家
被害李振挺鄴人城陷赴湘水死弟振挺僕李六鳳
周科徐彩俱殉何三傑定州人朱國治雲南臨安人
周二南字汝為雲南人與蔡道憲深相得道憲死二
南力請于上官獲奏間贈卹尋擢岳州知府士民固
留仍視長沙通判李自成遣其黨自興國間道入境
二南督兵出禦于瀏陽之官渡破于陣劉壁確山人

擢漢陽知府未行奮力堅守糧盡城陷不屈死子秦
時年十四又死之林不息莆田人莫可及宜興人為
長沙照磨擢寧鄉縣事子若鼎若玉俱殉節素繼登
長垣人擢刑部主事未行城陷被害死張鵬翼西充
人賁之使降不屈縛而投諸江妻子赴水死董我前
富順人彭元中分宜人母崇正四川人王元封建德
人賊犯境單騎入賊營酣戰馬仆猶步行殺數人而
死時適亨永明人楊鷺官上林苑監正賴大雅贛州
人陸有光嘗為推官以艱歸賊陷長沙母被執不得
已至賊營釋其母扼吭死歐陽顯字桂陽州人罵賊
支解死王紱貴州人吳士義歸安人賊陷城舉刀相
向百姓號哭為請命士我罵賊不絕口死之馮一第
走湘鄉乞師賊執其母與兄拊之至長沙就縛罵賊
死母兄獲免徐啟元遼東人郭都賢益陽人卽夢河
雷白人以吉安通判署安福縣事城陷死王孫蘭字
疇仲無錫人呂大器字儼若遂寧人本朝乾隆四

十一年吏謚蔡道憲劉熙祚忠烈王良鑑曾拭濮有
客來問科張任李振琨林不息王元封時道亨歐陽
顯宇烈愍張應禮胡承熙李雲何三傑朱國治周二
南劉壁莫可及袁繼登張鵬翼董我前母崇正楊鷺
陸有素吳士義卽夢河王孫
蘭烈愍林國俊等並入祠

九月黃景昉罷

豫江故有文武二臣帝欲裁去大臣專任誠意伯劉
孔昭召惠世楊為副都御史久不至帝命削其籍景
昉上疏爭帝
不懌遂引歸

冬十月李自成寇潼關督師孫傳庭死之

自成既據承天僭稱新順王集牛金星等議兵所向
金星請先取河北直走京師楊永裕請下金陵斷燕

都糧道從事顧君思曰金陵居下流事雖濟失之緩
直走京師不勝退安所歸失之急關中山河百二宜
先取之建立基業然後旁畧三邊資其兵力攻取山
西後向京師庶幾進戰退守萬全無失自成從之初
傅庭之敗于柿園而歸陝也力主固守潼關控扼上
游益募勇士使白廣恩高傑將之開屯田繕器械積粟
三家出壯丁一製火車三萬輛俟賊間而擊之會關
中頻歲飢苦征繕秦之士大夫以傅庭用法嚴不樂
其在秦相與譁于朝曰秦督翫寇矣成上章催戰獨
兵部馮元飈持議與傅庭令謂官軍所募未經行陣
宜致賊而不宜致于賊乃于帝前爭之曰請先下臣
獄俟一戰而勝斬臣謝之又賄書傅庭成母輕戰白
高兩將不可任而庭議趣戰益急帝加傅庭督師命
速出關傅庭頓足歎曰奈何乎吾固知往而不返也
然大丈夫豈能再對獄更乎不得已遂再議出師以
總兵牛成虎將前鋒高傑將中軍王定官撫民將延

字兵為後勁白廣恩統火車營自新安來會檄左良
玉赴汝寧夾擊陳永福將河南兵秦翼明將川兵為
犄角是時自成已自楚至豫盡發荆襄兵令于汜水
焚澤伐竹結筏人佩三萌蘆將謀渡河傳庭分兵防
禦以八月十日率師出潼關次汝州會偽都尉四天
王李養純降養純言賊虛實諸賊老營在唐縣偽將
史元寶豐自成精銳盡聚于襄城遂破賊寶豐斬偽
州牧陳可新等進搏唐縣破之殺賊家口殆盡賊滿
營哭轉戰至郊縣俞偽果毅將軍謝君友斫賊坐纛
尾自成幾獲賊奔襄城大軍遂進逼襄城賊懼謀降
自成曰無畏我殺王焚陵罪大矣姑決一死戰不勝
則殺我而降未晚也而官軍時皆露宿與賊持久而
道泞糧車不能前士餓攻却破之獲馬騾噉之立盡
雨七日夜不止後軍既諱于汝州不得已退軍迎糧
留陳永福為後拒前軍既移後軍亂永福斬之不能止
賊追及之南陽傳庭令久饘還戰賊陣五重饑民處

外次步卒次馬軍又次驍騎老營家口處內官軍力戰破其三重傳度復虜之進賊驍騎殊死鬪官軍陣利動廣思軍將火車者呼曰帥敗矣脫輓輅而奔車傾塞遭馬絀于銜不得前賊鐵騎凌而馭之步賊手白楮遮擊中者首飛鑿俱碎叅將趙希彪戰歿廣思走汝州保隨傳度走河北自成空壁追躡一日夜官兵狂奔四百里至于孟津死者四萬餘失亡兵器糧重數十萬方傳度退兵迺檜偽侍郎邱之陶者大學士瑜子也以蠟丸書貽傳度曰督師當還兵戰吾說言左鎮兵大至搖其心彼必返顧督師擊其後吾從中起賊可滅也傳度大喜報書如其言為賊邏者所得之陶被害傳度恃內應連營前進遂至敗傳度由山西渡河轉趨潼關廣思已先至保欲棄潼關徑入西安憑堅城固守傳度曰賊一入關則全秦糜沸秦人尚為我用乎已而自成攻關廣思力戰傑以實壘之敗廣思先走不救已銜之入憾傳度不用其言擁

泉不肯救廣思戰敗傳度登陴固守賊分兵從山後
遶出其背閬城遂陷傅展躍馬揮刀大呼衝入賊陣
與監軍副使喬遷高同戰死衛指揮張爾猷盛昶之
李繼祖千戶索化龍潼關教授許嗣復皆殉節帝聞
潼關陷名問諸大臣大學士陳演言賊入關中必慮
子女玉帛猶虎入陷穿兵部侍郎余應桂曰壯士健
馬威出關西賊得之必長驅橫行大臣安得面謾演
股栗失色帝旋命應桂總督三邊收邊兵勦賊應桂
以無兵無餉入見帝而泣帝但遣京軍千人
隨行時賊已充斥關中應桂亦不能進也

質實

孫傳

庭出師時自分必死顧語妻張氏曰爾若何曰丈夫
報國耳毋憂我後西安破張氏率二女三妾沉于井
揮其八歲兒世寧亟避賊去之兒踰牆墮民舍中一
老翁收養之長子世瑞聞之自代州重趄入秦得夫
人屍井中面如生老翁歸其弟世寧相扶攜還道路
見者知與不知皆泣下傳庭死不得其屍或有言傳

庭未死者竟不予贈廕卹之陶宜城人賊陷宜城其
祖民忠罵賊死之陶被執陷賊中欲得間以殺賊謀
洩賊怒其為孫傳庭內應支解之趙希魁渭南人喬
運高足高人妻史氏子象觀聞變繼死張爾猷盛昶
之李繼祖素化龍並潼關衛人許嗣出井陘人分守
關城之上南門城陷被執罵賊死妻女殉之 本朝
乾隆四十一年追謚孫傳庭忠靖趙希魁喬運高張
爾猷烈愍盛昶之李繼祖節愍卹之陶素化龍許嗣
復並
入祠

李自成陷西安巡撫右僉都御史馮師孔等死之秦王
存樞降于賊

自成長驅入關中遂連陷華州渭南臨潼分遣右營
十萬人從南陽攻陷商州華州鄉官郭宗振李承燦

薛國慈渭南知縣楊瑄教諭張馥訓導蔡其城鄉官
南企仲南居益南居業鄭君愛臨潼鄉官王佩珂商
雄道參議黃世清商州諸生卽公坤雷堂李本健呂
元聲孫纘文布衣楊名道周楊實等並殉難賊遂進
攻西安師孔厲兵禦守裨將王根子潛通賊城陷副
將劉光先戰不支沉河死師孔及按察使黃綱長安
知縣吳從義秦府長史長尚綱指揮崔爾達花馬寺
監正游之雲按察經歷楊于邦鄉官祝萬齡陶爾德
周培中賈光儀徐芳聲徐方敬徐應魁舉人朱誼眾
席增光貢生孫子秦弟孚芳諸生李光信王名俊陳
瑞布衣朱恩等死之自成執秦王存樞以為權將軍
永壽王存桑為制將軍布政陸之祺里居吏部郎中
宋企郊提學僉事鞏煩等俱降自成大掠三日改西
安曰長安稱西京賜顧君思女樂一部賞入闕策也
大發民修長安城開馳道自成每三日親赴教塲校
射百姓望見黃龍蠱成伏地呼萬歲諸將白廣恩高

汝利左光先學甫先後降陳永福以光射中自成目
保山巔不敢下自成折箭為誓招之亦降獨高傑以
竊自成妻走延安為李過所追折而東渡宜川絕蒲
津以守自成兵所至無不克西安諸屬城及延安所
部州縣多望風降賊官吏以城守死者惟蒲城知縣
朱一統延安副將解文英縣丞姚啟崇白水知縣朱
迴泆教諭魏歲典史劉進中部知縣朱新鐸數人而
藍屋鄉官袁養和高陵鄉官李喬昆富平鄉官田時
震朱崇德三原鄉官焦源清焦源溥常道立喬魏華
陰鄉官陳嗣虞蒲城鄉官王道純魏國桂耀州鄉官
宋師襄同州諸生劉長庚郿州諸生齊大成膚施諸
生楊繡微並以不屈死自成既且有西安延安之地
乃詣朱脂祭墓向為官軍所發焚棄遺醢築土封之
求其宗人贈金封爵以去改延安府曰天保府米脂
曰天保縣清澗曰天波府復以五百騎西掠鳳翔守
將誘而殲之自成怒大發兵往攻典史董尚質開門

迎賊知府唐時明被執至興平乘間自縊死屬州縣亦反降自隴州同知薛應珍實難知縣唐夢鯤遊擊曾榮耀裨將陳奇傑來明岐山鄉官牛養傑之外無死事者于是賊益恣甚日欲以偽檄定諸邊矣初自成剽掠十餘年未嘗有大志及席捲湖廣河南始萌竊據之意然地四達皆戰場所不得郡縣官軍旋復之至是既入秦秦藩富甲天下府庫資千萬

質實

臨潼秦樸

皆為所取又據河山百二之險遂不可制陽縣漢為豐人唐為昭應宋改臨潼蓋屋高陵皆漢縣明並屬西安府今因之華陰秦為秦寧縣漢改華陰明屬華州以隸于西安府今改屬同州府膚施漢縣三國魏廢隋復置明為延安府治岐山隋置明屬鳳翔府今並因之秦王存樞懿王瑛十一世孫存樞既降賊其妃劉氏死之馮師孔字景魯原武人郭宗振官四川恤刑郎中有政聲李臣燦官山海關遊擊薛國蕙官寧夏守備偕弟諸生國華同擊賊元楊暄

高平人推兵部主事未行賊至誓死守舉人王命誥
開門迎賊暄被執索印不與罵賊死張馥壽光人蔡
其域與楊暄分隄固守城陷死南企仲官南京吏部
尚書致仕居益企仲族子官工部尚書削職歸居業
企仲子官禮部祠祭司主事賊陷渭南責南氏餉百
六十萬企仲年八十三矣遇害誘降居益居業皆不
從遣兵擁之去加炮烙二人終不屈絕食七日死鄭
君愛官衡州推官王佩何官商邱教諭黃世清字澄
海滕縣人賊至世清憑城守有奸民投賊至城下說
降世清佯與語發礮斃之懸其首城上曰懷二心者
視此士明皆效死礮矢盡繼以石石盡婦人掘街砌
繼之城陷世清坐堂上麾其僕朱化鳳去化鳳願同
死一家十三人皆遇害邵公坤與弟公興公佐公齊
公量同死一家死者十八人李本健與弟本深及本
深之子同死呂元聲與母妻同死劉光先榆林人妻
王氏投井死一家死難者五十餘人黃綱字季侯光

州人崇禎七年賊陷光州子彛如督家僮巷戰罵賊死綱時以淮海兵備副使丁憂歸里方省墓獲免至

是綱與妻王氏皆赴井死吳從義浙江山陰人章尚絢會稽人游之雲廣濟人楊于邦保安州人祝萬齡

咸寧人官河南右參政陶爾德咸寧人官川北道參

議周培忠咸寧人官隰州知州一門殉節賈光儀長

安人官懷慶通判徐芳聲咸寧人官芮城知縣徐芳

敬長安人官儀封知縣徐應彪長安人為秦府右護

衛旗官朱誼眾明宗室席增光南鄭人孫啟秦李光

信王召俊陳瑞皆咸寧人光信安熊氏召俊妻雷氏

並殉節瑞率二女孫沉子潭湖死朱恩長安人與弟

斗環姪語投井死永壽王存泰懷簡王尚烜十世孫

也尚烜乃秦愍王挾第五子永樂初分封永壽陸之

祺平湖人宋企郊乾州人鞏靖真寧人解文英寧夏

人朱一統平定人由舉人為蒲城知縣賊至以死自

誓或言他州縣甲榜者皆已納款一統曰此事寧論

資格耶尋衙兵叛奪印趣迎降一統赴井死朱回泐
明潘王支屬由宗貢生為白水知縣賊潛入城猶手
弓射賊魏歲沁州人朱新鏐明宗室賊使人持偽檄
招降新鏐碎之歎曰城已無兵不能守計惟自靖耳
令妻妾子女盡縊乃投繯死袁養和官雲南知縣李
喬崑官霸州道參政田時震官山西參政朱崇德字
淳菴山東巡撫國棟父也贈右副都御史焦源清字
湛一官宣府巡撫焦源溥源清從弟字涵一官大同
巡撫常道主官河南巡撫喬巍官冀寧道修政與外
弟王伯達僕王崇德同死陳嗣虞官高郵知州王道
純官巡按山東御史魏國柱官睢州知州宋師襄官
太常卿唐時明字爾極固始人薛應珍武進人時攝
州事勒兵守城城陷嘗賊死唐夢鯤番禺人曾榮耀
陳奇傑表明與賊戰寶雞之賈村歿于陣本朝乾隆
四十一年追諡南居益賁世清焦源溥忠烈馮師
孔南企仲祝萬齡田時震焦源清常道立王道純忠

節薛國蔥楊暄南居業劉光先周培忠解文英朱一
統朱迴范烈愍郭宗辰李承燦鄭君受黃綱吳從義
章尚綱崔爾達陶爾德竇光儀徐芳聲徐方敬朱新
鐸來養和李喬崑喬魏陳嗣虞魏國柱節愍張馥等
並入祠

發明

明季諸藩擁貲自殖不以佐國計而以齎盜
糧一旦寇至束手就戮者何可勝道至于由

積存樞甘汚偽職而宗社之辱為己極矣然由積
卒死泌陽其天良猶有未盡泯者特恨偷息須臾
死非其所耳而在樞覲然人面且與晉王求桂從
賊北行及其總城破上王家彥沮之曰二王降賊
即賊也賊安得上夫豈非明太祖之支流苗裔而
家彥顧叱之為賊亦可謂一字之誅嚴于斧鉞哉

十一月李自成陷榆林兵備副使都任前總兵官尤世

威等死之

先是總兵王定從孫傳度出關大敗奔還榆林遠近震恐自成傳偽檄招降定懼詭言討套部率麾下兵遁去巡撫張鳳翼受命未至城中士馬單弱人心洶洶都任亟集督餉員外郎王家錄副將惠顯參將劉廷傑等與里居將帥尤世威等議城守衆推世威為主帥及延安綏德相繼陷復遣使說降廷傑大呼曰長安雖破三邊如故賊皆中州子弟殺其父兄而驅之戰必非所願榆林天下勁兵一戰奪其氣然後約寧夏固原為三師迭進賊可平也衆然其言乃輒血誓師簡卒乘繕甲仗各出私財佐軍守具未備賊將李過已引兵十萬抵城下廷傑募死士乞師套部師將至賊分兵却之攻城甚力官軍力戰殺賊無算賊益衆來攻起飛樓逼城中矢石交至世威等戰益厲守七晝夜賊乃穴城置大礮轟之城遂破世威等猶

督來巷戰婦人堅子亦發屋瓦擊賊屍相枕藉既而力不支任家錄死之故總兵侯世祿侯拱極王學書

董學書及副總兵潘國俊參將王榮不屈死一時同死者鄉官張雲鶚柳芳彭卿趙彬亦不屈死指揮崔

重觀自焚死傅佑與妻杜氏自縊死中軍劉光祐罵賊死材官李耀善射矢盡自刎死李光裕趣家人死

亦自刎張天敘焚其積貯自縊死千戶賀世魁偕妻柳氏自縊死參將馬鳴節聚妻子室中自焚死尤低

自殺于水西門李淮令妻女自縊率子殺賊自刎指揮鍾茂先殺妻子而自殺其以力戰死者里居則

遊明楊明副總兵張發尤翟文王永祚參將李應孝在官則遊擊傳得滿國臣李國奇晏維新陳二典劉

芳馨文侯國都司吳繼武中軍楊正韓柳永年馬應舉守備尤勉惠漸賀大雷楊以偉指揮李文焜李文

人黃庭政千戶黃廷用百戶黃庭弼裨將文經國而副將常懷李登龍遊擊孫貴尤養鯤守備白慎衡李

宗叙亦以守村而遇害諸生陳義昌沈濬沈演白拱
極白含章罵賊死張連元連捷李可桂林一奎李廕
祥自縊死賊怒廷傑勾套部磔之至死罵不絕口世
威及故總兵王世欽王世國李昌齡並被執縛至西
安自成坐秦王府欲降之四人不屈自成曰諸公皆
名將助我平天下取封侯可乎衆罵曰汝驛卒敢大
言侮我自成笑前解其縛世欽唾曰驛卒毋近前汙
將軍衣自成怒皆殺之世威弟世祿亦死惠顯及都
司郭遇吉同被執遇吉罵賊死賊惜顯勇繫至神木
服毒死一城之中婦人死義者數千人井中屍滿賊
遂屠其城榆林為天下雄鎮兵最精將才最多然其
地最瘠餉又最乏士常不宿飽乃慕義殉忠志不少
挫無一屈身賊庭其忠烈又為天下最

質實

都任字宏若祥

符人尤世威以崇禎八年與賊戰盧氏失利解任尋
赴盧象昇軍自効象昇戰歿自免歸十五年以廷臣

薦命與弟世祿赴京候調名對中左門後告歸世祿
前任寧夏總兵官張鳳翼堂邑人王家祿黃岡人擢
閩南僉事未行惠顯清澗人劉廷傑綏德州人弟廷
變收凡殘骸瘞之亦自投閭死侯世祿以崇禎二年
勤王兵潰坐遣戍後率子弟從軍叙功免戍還籍侯
拱極世祿子前任山海總兵官王學書前任天津防
海總兵官董學書都督一元子前任宣府總兵官王
營前任彰德參將子師易亦殉難張雲鶚前任戶部
主事柳芳前任顯州知州彭卿前任真安知縣趙彬
前任湖廣監紀馬鳴節前任安邊參將尤岱前任山
海鐵騎營參將李淮前任西安參將鍾茂先官綏德
衛指揮楊明前任山海關總兵官張發雲鄂子前任定
邊副總兵尤罹文世威從弟前任靖邊副總兵王永
祚前任孫山副總兵李應孝前任西安參將妻女皆
自縊死陳二典官榆林左營遊擊劉芳馨官右營遊
擊兵繼武稷山人楊正韓官奇兵營遊擊為撫標中

軍柳永年官榆林兵備副使中軍馬應舉官靖邊指揮與劉光佑柳永年同理副使中軍事惠漸清瀾人官撫邊守備黃廷政世襲榆林衛指揮中礮死廷用廷弼其弟也文經國西寧人掌旗鼓督清街道王世欽前任山海左部總兵官王世國前任宣府柳溝總兵官李昌齡字玉川鎮番衛人為延綏總兵官數有功以剛直罷徙居榆林郭遇吉官火器營都司本朝乾隆四十一年追謚尤世威忠剛都任惠顯劉廷傑侯是祿王世欽李昌齡忠烈董學書忠節侯拱極王學書王榮馬鳴節尤岱李淮鍾茂先楊明張引尤翟文王永祚李應孝傅德潘國臣李國奇晏維新陳二典劉芳馨又侯國吳繼武楊正韓馬應舉尤勉惠漸賀大雷楊以偉李文規李文燦黃廷政常懷李登龍孫貴尤養鯤白慎衛李宗叙王世國尤世祿郭遇吉烈慈王天錄滿國俊張雲鵬柳芳彭卿趙彬崔重觀傅佑節慈劉光祐等並入祠

以吏部侍郎李建泰副都御史方岳貢並兼東閣大學士預機務

建泰先官祭酒頗著聲望尋擢吏部侍郎及是命與岳貢以本官入直岳貢歷郡守監司並以廉能稱召對稱旨起擢副都御史未幾有是命故事質實

李建泰曲

人方岳貢字四長穀城人

十二月周延儒有罪賜死

延儒當國時薦用侯恂范志完督師皆債事入任文選郎中吳昌時交通內侍把持朝局延儒既去山東僉事雷縡祚糾絕志完御史蔣拱宸劾吳昌時贓私鉅萬詞皆連延儒而中言昌時通中官李瑞王裕民

洩漏機密重賄入手輒預指溫旨告人事頗有迹帝怒甚御中左門親鞠昌時折其脛無所承怒不解按宸面許其通內帝察之皆實乃下獄論死始有意誅延儒初薛國觀賜死人皆謂昌時致之其門人魏藻德新入閣有寵恨昌時甚因與陳演共非延儒錦衣駱養性復騰蜚語帝遂命盡削延儒職遣緹騎逮入京師時攜輔王應熊被召延儒知帝怒甚宿留道中俟應熊先入冀為請帝知之應熊既抵京命之歸延儒至安置正陽門外古廟上疏乞寬遽不許法司以戍請同官申救皆不許及是昌時棄市勒延儒自盡籍其質實蔣拱宸
其徒入

李自成陷甘州巡撫僉都御史林日瑞總兵馬燝等死之

先是賊據西安分兵四出寧夏鎮兵逆戰殺賊數千
賊乃去平涼甫間警韓王及監司以下謀遁去知府
簡仁瑞謁韓王曰殿下輕棄三百年宗社欲何之縱
賊歷境甘涼諸鎮軍足相援必不能支同死社稷亦
不辱二祖列宗王不從一夕其護衛卒大譟扶王及
諸郡王宗室斬闕出脅仁瑞行曰吾平涼守也吾去
誰與守平涼韓王遂希慶陽官吏皆走未幾賊抵城
下士民數人草降書乞僉名署印仁瑞怒叱責之正
衣冠自經堂上義民朱傑軒孟尚池仰藥死平涼既
陷屬城皆降獨華亭教諭鄒邦榮訓導何相劉率諸
生共守城城陷死節時自成已大發兵攻陷榆林憤
寧夏之敗悉銳薄其城總兵官官撫民以城降中後
衛城悉陷鄉官雍締闔家自焚死指揮彭凌雲百戶
鄧德寧與義民王風木糾衆討賊謀洩死賊乘勝犯
慶陽圍數匝參議殷復興集衆守貧礮石殺賊滿壕
久之勢不支拜辭其母聚妻妾子女于樓寘薪其上

復乘城督戰城陷趨歸火其樓母亦投火死乃持鐵鞭走北門擊殺數賊遂自刎同時死難者推官觀聖居安化知縣朱繼發都司周家彥鄉官麻僖諸生石埏李彛其屬城則寧州知州董琬環縣鄉官朱國禎張宏遠亦殉難韓王宣堦被執以去將趨漢中扼于官軍不得入覆其所屬城固縣知縣司五教訓導賈汝器鄉官張鳳翹方振衆貢生岳中衡遇害遂遣前鋒渡河入山西而其黨賀錦田見秀等徧掠三秦郡縣鞏昌之安定會寧秦安皆先後陷殺其知縣應昌士王垣朱呈璫鄉官劉躍龍貢生張國統戴天諸生王保民唐維新李州楊毓秀陳周瑞楊中蔡劉彪名楊九儀王璽辟三戒楊道秦高朝秦張大才監生陳周鼎張大韶移兵逼蘭州蘭州人開門迎賊賊渡河涼州壯浪二衛降即進犯甘州日瑞聞賊至迎結西羌戡兵以待而自率副將郭天吉等扼諸河干適嚴冬河水合賊蹈冰過直抵甘州城下日瑞入城戰且

守大雪深丈許樹盡介角斡折手足歟守者咸怨
賊乘夜坎雪而登城陷執日瑞誘以官不從磔于市
天吉及總兵官馬燝副總兵張攀歐陽襄劉國棟遊
擊楊威趙宗禮萬恒撫標中軍哈維新都司姚世儒
姜宏基高登科監紀同知監臺里居總兵官羅俊傑
趙官遊擊李如章指揮趙宗祝李樓鵬姚天寵張洪
勳王嘉官趙家知縣段自宏教諭童志道千總劉燦
貢生張之衡保獻書諸生張名禮張聖翼康國新童
士楷丁倫康萬秋祁士英醫士費國興吏員梁進法
義民朱文選馬騰錦郭世潔並死之居民猶洶洶欲
殺賊賊乃闔城肅殺其民四萬七千人三邊皆陷列
城望風降惟西寧衛固守不克留賊將賀錦圍之賊
已無復後顧憂

質實

秦安宋納甲城金置秦安縣明
屬秦州以隸于鞏昌府今升秦

竟長驅而東

州為直隸州縣仍屬馬林日瑞字浴元詔安人馬燝
蔚州人簡仁瑞字李麟榮縣人韓王亶塔憲王松十

二世孫朱傑軒孟尚池皆平涼縣人傑軒闔門殉節時有平涼馬夫者佚其姓名隨驛使殺賊被執寸磔死何相劉乾州人鄒邦榮援曾子居武城義欲避去相劉曰吾輩委質為臣安可以賓師自待邦榮乃與相劉同死雍綿寧夏中衛人官懷仁知縣在籍彭凌雲鄧德寧王風木皆寧夏衛人段復興字仲方陽穀人斬聖居字淑化長垣人陞刑部主事未行索繼登應天人周家彥靖邊衛人率衆巷戰殺賊數百人自刎死麻僖慶陽衛人官太常少卿在籍石瑄李尋安人董琬開州人朱國禎官照磨張宏遠官武邑典史並在籍司五教內黃人斬諸生為賊內應者以誓死守城陷為賊所磔實汝器富平人張鳳翽官江西巡撫方振寀官福山知縣並在籍應昌士仙居人賊陷安定不出死妻周氏亦遇害王垣四川人以安定知縣攝會寧縣事為賊所執脅令說復任令應昌士降及登垣勗以死守被害劉躍龍安定人官開封同知

在籍張國統戴天王保民康維新李洲楊毓秀陳周
瑞楊中蔡劉翹名楊九儀王璽薛三成楊道秦高朝
鳳張大才陳周鼎張大韶皆安化人保民凡保泰弟
保貞從孫宏殺周瑞弟周哲亦以捍賊被殺郭天吉
榆林衛人張攀安邛人力戰死一家俱殉歐陽襄劉
棟楊威趙宗禮萬恒姜宏其高登升皆甘州衛人襄
焚其妻子巷戰死國棟闔門自焚死威為賊斷喉絕
脛死宗禮將火其家僕負其子金剛保以逃宗禮手
刃之家無一人脫者恒從林日瑞殺賊為賊所執磔
死藍臺光州人羅俊傑副總兵一貫子弟俊士亦殉
節李如璋同子起鳳祥鳳集鳳射賊皆被殺趙宗祝
與子家自刎妻妾亦投縲死李樓鵬張拱勲王嘉官
皆巷戰力竭自刎姚天寵迎戰被殺家人皆自焚死
我自宏官太湖知縣在籍捐貲餉士城陷自刎童志
道官靖遠衛教諭在籍劉燦副總兵國棟子本朝
乾隆四十一年追謚林日瑞馬燠殺復興郭天台忠

烈雍締彭凌雲靳聖居周家彥司五教劉躍龍張攀
歐陽襄劉國棟楊威趙宗禮萬岷哈維新姚世儒姜
宏基高登科羅俊傑趙宦趙宗祝李棲鵬姚天寵張
洪敷王嘉官致自宏烈愍簡仁瑞秉繼登董琬方振
竄應昌士王垣藍臺李如璋節愍
朱傑軒等及平涼馬夫並入祠

甲申

崇禎十七年

是年三月流賊陷京師五月福王田崧稱帝于南京

我

大清

世祖章帝順治元年

臣等謹按前代史家書法體例依殊每於歷朝嬪
代之際各存私見意有偏向聘致失實如續綱目
於元順帝至正二十七年即分注明年元主北奔
而繫以元亡去二十八年為洪武元年且順帝十

五年明祖起兵役於元之政
事政別書元以表異欽惟我

皇上折衷至義悉準大公於編纂通鑑輯覽時
特諭館臣以進退予奪關繫萬世公論必斟酌持平權

衡始協明崇禎十七年明統猶存仍當大書紀歲
即福王偏立江左尚可比于宋代建炎之例年號
仍從分注兩提綱則書明字以別之直至蕪湖被
執始大書明亡仰見

聖人筆削必辨統存實祛史家之私議揭持世之閑綱
以視春秋謹嚴古今一揆茲臣等奉

命重訂綱目三編敬遵
御旨排纂義例昭然我

皇上垂法萬世之微意信可
懸諸日月而不刊矣

春正月朔李自成僭號于西安

綱目三編之例
于甲申歲欲大
書順治元年分
注崇禎十七年
于下且凡朕朝
事皆別書明而
于孝自成陷京
師即繫以明亡
余曰不可夫三
編之列非述續
編之列乎續編
于元順帝二十
七年即公注明
年元主北奔而
繫以元亡去至
正二十八年為

自成久覲尊號懼張獻忠為患既入秦通好獻忠
忠厚帶遜詞以散之自成喜遂僭稱王改名自晟國
號大順改元永昌追尊其曾祖以下加謚號以李繼
遷為太祖設天祐殿大學士以牛金星為之增置六
政府尚書等偽官以宋企郊為吏政尚書陸之祺為
戶政尚書鞏煥為禮政尚書張蟒然為兵政尚書復
五等爵大封功臣侯劉宗敏以下九人伯劉體統以
下七十二人子三十人男五十五人定軍制有一馬
僥行列者斬之馬騰入田苗者斬之籍步兵四十萬
馬兵六十萬今宏文館學士李化鏞等草檄馳諭遠
近指斥乘輿有云君非甚暗孤立而煬竈恒多臣盡
行私比黨而公思絕少又云獄囚累累士無報禮之
心征斂重重民有偕亡之痛見者無不扼腕是日大
雨霰黃霧四塞有邛笮周者都司更也長不滿三尺
素懷義憤何自成士乘醉直至前戰手罵曰若本一
貧賤細民今妄據王府僭稱偽號逆天背理吾見汝

洪武元年旦自
順帝十五年明
祖起兵之役于
凡元武即別書
元以示異雖臣
各私其君之義
也而朕冒罪之
益以理責人者
必先以理自處
天下者天下之
天下非一家之
天下也言作而
出者亦悖而入
居今之時此亡
明而尊本朝如
明之于元其誰

屍之萬段也自成
大怒立斫殺之

質實

張熾然歸安人
李化麟韓城人

李建泰自請督師勦賊許之

自成初通山西建泰慮鄉邦被禍家富于貲可籍佐
軍毅然有滅賊志常與同官言之會帝聞自成僭號
大驚且數日朕非亡國之君事事皆亡國之象祖宗
櫛風沐雨之天下一朝失之何面目見于地下朕願
督師親決一戰身死沙場無恨但死不瞑目耳語畢
痛哭陳演將德璟諸輔臣請代俱不許建泰頓首曰
臣家曲沃願出私財餉軍不煩官帑請提師以西帝
大喜慰勞再三曰卿若行朕當倣古推轂禮遂加建
泰兵部尚書賜尚方劍便宜從事行遣將禮以特牲
告太廟帝御正陽門樓衛士東西列自午門抵城外
旌旗甲仗甚盛內閣五府六部都察院掌印官及京
營文武大臣俱侍立鴻臚贊禮都御史糾儀賜之宴

曰不可然朕不為也過繼輯覽之書非一時之書乃萬世之書于正統偏安之弊必公必平天命人心之篇必嚴必謹且正編續編既一正其自紀尊大之陋目而顧于本朝繼代之際有所偏向是不有惑于心而貽累世之誤乎茲于甲申歲仍命大書

南京地震

御席居中諸臣陪侍酒七行帝手金卮親酌建泰者三乃出手勅曰代朕親征建泰頓首謝且辭行帝目送之行數里所乘肩輿忽折衆以為不祥建泰以率輔督師兵食並絀所搗止五百人甫出都聞田沃已破家資盡沒驚悸稱病日行三十里士卒多道亡至定興城門閉不納留三日攻破之管其長吏抵保定賊鋒已逼知府何復同知邵宗元方守城建泰叩城求入宗元等不許建泰以尚方劍忖之或曰金御史毓峒監軍亟推出視質實何復字見元平度人邵宗信乃納之遂屯城中元字景康碭山人金毓峒保定衛人本朝乾隆四十一年何復追謚烈愍邵宗元金毓峒俱追謚忠烈

是月唐寅鳳陽地震至是乙卯南京地又震

崇禎十七年分
書順治元年以
別之即李自成
陷京師亦不遲
書明亡而福王
弘光元年亦令
分注于下必俟
次年福王于江
被執而後書明
亡夫福王死于
江南能自立未
嘗不可為南北
朝如宋高宗之
例也而奈其日
即怕淫以致天
命去而人心失

以工部尚書范景文禮部侍郎邱瑜並兼東閣大學士
預機務

先是景文擢兵部添注左侍郎練兵通州通鎮初設
兵皆召募景文綜覈有法治軍精嚴嘗請有司實行
一條鞭法徭役歸之官民稍助其費供應平買不立
官價名帝令永著為例繼拜兵部尚書以事劾籍後
起用改工部至是李建泰出督師景文遂以本官與
瑜同入閣輔政帝曰朕知卿久今急而用卿恨晚卿
尚勉之景文請釋繫獄張國維等帝立從其言李自
成漸逼京師有請帝南幸者命集議閣中景文言固
結人心堅守待援而已此
外非臣所知帝是其言
質實請釋繫獄張國維
等崇禎十六年我

大清兵入畿輔張國維檄趙光升拒螺山八總兵之師
皆潰言者譏國維乃解職下獄至是范景文請釋之

是非開初者欲
究我兵威而實

守成者自失其

神器也若夫唐

王桂王之竄逃

隅苟延旦夕此

正與宋之帝昺

帝昺同創不可

仍以正統屬之

用以示萬世守

成之主思天命

人心之難誑凜

凜乎惴惴乎保

祖宗所貽留為

臣民所繫屬而

不敢諫持書法

張獻忠入四川

卷三十九

獻忠自荊州趨蜀陝夔州石砫土官秦良玉馳援兵
寨敗歸獻忠至萬州水漲留屯三月已破涪州進臨

佛岡閬時四川巡撫陳士奇已謝事駐重慶或勸之

去士奇不可與副使陳繼知府王行儉知縣王錫等

竭力拒守賊抵城下擊以滾礮賊死者無數黑夜密

雲四布賊穴地轟城遂陷士奇等皆被執士奇大

罵賊縛於教場時瑞王常浩避閩賊自漢來奔亦與

難焉指揮顧景泣告獻忠曰寧殺吾無害帝子賊怒

遂害王并殺景天忽無雲而雷者三賊有震者獻忠

迎天詔曰我殺人何與天事用大礮向天叢擊俄晴

霽遂肆慘慘士奇質實按秦良玉夔州敗歸慷慨語

等罵不絕口而死其衆曰吾兄弟二人皆死王

事吾以一孱婦人蒙國恩二十年今不幸至此其敢

以餘生事逆賊哉悉召所部將曰有從賊者族無赦

之可有高下焉
庶幾朕慕通鑑
輯覽之本意或
不失春秋大一
統之義

乃分兵守四境後賊柏土司獨無敢至石碛者瑞王
常浩神宗第五子天啟七年之藩漢中及寇通將更
不能救乞師于蜀遂奔重慶隴西士大夫俱挈家以
從張獻忠陷重慶被執遇害從死者甚眾陳士奇字
平人漳浦人陳鯤鍾祥人王行儉字質行宜興人王
錫新建人顧景星系無考 本朝乾隆四十一年追
諡陳士奇王行儉王錫思
烈陳鯤節愍顧景烈愍

二月李自成陷太原別遣將犯畿南陷真定

自成渡河連破蒲州汾州知府侯君招知汾陽縣劉
必達俱死之遂攻太原先是蔡懋德出師平陽以疲
兵三千當百萬狂寇而太原洵洵晉王又手檄懋德
德還省懋德于十六年十二月十八日遂去平陽二
十日賊抵河津副將陳尚智失守奔還平陽二十二
日賊拔平陽尚智出走二十八日懋德還太原至是

山西巡按御史汪宗友上言曰晉河二千里平陽居其半撫臣懋德不待春融冰泮遽爾平陽逆旆賊即于明日報渡矣隨行馬步千人即宜倍道西向名集陳尚志叛卒移檄各路防兵援勦乃不發一矢終歲至省匝月餘郡皆矢是誰之過歟有詔套官侯甚時陳尚志叛降于賊于是懋德誓師于太原官吏軍民咸在懋德哭衆皆哭罷官命適至或請出城候代懋德不可曰吾已辦一死遂調兵堅守賊薄城下遣部將牛勇朱孔訓王永魁等出戰死之懋德草遺表調部將張雄守人南門雄已縋城降語其黨曰城東南角樓火器火藥皆在我下即焚樓夜中火起風轉烈守者皆散賊遂登城懋德北面再拜出遺表付人間迺建京師即自刎麾下持之時中軍副總兵應時威請下城巷戰顧懋德曰上馬懋德上馬時威持矛突殺賊數十人既而賊騎充斥時威呼曰出西門懋德遂下馬曰我當死封疆諸君自去衆復擁懋德至水

西門慙德叱曰汝陷我不忠耶夜下馬據地坐時盛
已出城殺妻子還顧不見役斫門入語慙德曰請與
公俱死慙德就縊夫絕時盛輝甲如其肩乃絕時盛
取弓弦自經死其同時自刎者為牛勇朱孔訓王永
恩等其餘官吏則有布政使趙建極罵賊死副使毛
又炳被執不屍死其妻趙氏妾李氏陳氏俱投井死
參議簡側中僉事畢洪辰知府孫康周同知李一清
長史范志泰副將惠光祚俱不屈死都司張宏業自
縊死其妻趙氏子凝秀俱殉死指揮韓似雍千戶王
德新晉府典仗官樊子英等皆城陷殉節死賊入城
脅晉王求柱執之迷連陷崧城臨晉潞安執潘世子
進功代州總兵周遇吉力拒食盡退守寧武賊遂抵
故關分兵趨真定檄總督徐標降標斬其使率眾拒
守真定知府邱茂華與中軍謝加福害之以城降賊
賊乃攻漳德趙
質實
臨晉晉桑泉也隋置桑泉縣唐
王帝昝亦降
分置溫泉縣後改臨晉縣宋金

仍舊元以虞鄉縣省入明屬平陽府今屬蒲州府故
關在片陘縣西界接山西平定州晉王求桂晉恭王
稠十世孫賊魯入北京後不知所終瀋世子瀋簡王
模後簡王封潞故瀋府在潞安趙王常洵趙王高燾
後萬厯時穆王常清薨世子由松前卒弟壽光王由
桂子慈愍嗣薨無子又以穆王弟常洵嗣侯名招商
州人劉必達陝西山陽人恭愍德字公虞崑山人應
時咸遼東人牛弟朱孔順王永魁里系無考趙建極
河南永寧人毛文炳鄭州人蘭剛中字坦生陵州人
畢拱辰字星伯掖州人孫康周字晉侯安邱人范志
泰虞城人張宏業忻州人徐標字準明濟寧州人
本朝乾隆四十一年追諡恭愍德思恪應時盛忠烈
劉必達趙建極畢拱辰孫康周等俱烈愍侯君拓毛
文炳蘭剛中范志泰張宏業韓似雍等俱節愍徐標
忠節牛勇朱孔訓王永魁
王德新樊子英等俱入祠

下詔罪已

莊烈手諭逆黨
宦官之惡固所
稔知而始終不
死于徇徇甚至
軍旅大事亦令
參預如高起潛
等畏師特國賊
妬冒功前此縱
恣已甚即底氣
日迫亦半由其
枕權掣肘敗壞
封疆又豈可終
任刑餘以資捍
衛乃當危急存

詔畧曰朕嗣守鴻緒十有七年深念上帝陟降之威
祖宗付託之重宵旦兢惕罔敢怠荒乃者災害頻仍
流氛日熾救之益驕撫而輒反甚有受其煽惑頑忘
敵愾者朕為民父母不得仰冀之民為朕赤子亦得
懷保之罪非朕躬誰任其責所以使民罹鋒鏑蹈水
火殲量以望朕積成邱者皆朕之過也使民輸芻輓
粟居送行齎加賦多無藝之征預支有稱貸之若者
又朕之過也使民室如懸磬田卒汙萊望烟火而無
門號冷風而絕命者又朕之過也使民日月告凶旱
潦薦至師旅所處疫癘為殃上千天地之和下叢室
家之怨者又朕之過也至于用大臣而不法用小臣
而不廉言官植黨而清議不聞武將驕懦而軍功不
奏皆由朕撫馭失道誠感未孚中夜此心跼蹐無地
朕自今痛加創艾深省夙愆要在惜人才以培元氣

亡之會而外則
各遂監視內則
棄城守陴復恣
委之宦侍未幾
而鳴鑼出迎接
踵迎降富貴固
在之言若革固
甘心賣國狗彘
不如而莊烈盡
感滿深陷危不
悟可嘆亦可恨
也

守舊制以息煩器行不忍之政以收人心竭額外之
科以養民力其罪廢諸臣有公忠正直廉潔幹才尚
堪用者不拘文武吏兵二部確數推用革澤豪傑之
士有恢復一郡一邑者授官世襲即陷沒脇從之流
能舍逆反正率衆來歸許赦罪立功能擒闖獻二賊
仍予封侯之賞忠君愛國人有同心雪恥除凶誰無
公憤尚懷祖宗之厚澤助成底定之大勲思克厥愬
歷告朕意于是發帑金五千治守具左都御史李邦
華密請南遷及太子撫軍江南皆不報邦華又請定
永二王公封太平寧國二府拱護兩京帝得疏意動
繞微行且讀且歎將行其言會帝召對羣臣中允李
明睿疏言南遷便給事中光時亨以倡言泄密糾之
帝曰國君死社稷正也朕志定矣遂罷邦華策不議
及賊勢急從遣內臣高起潛杜勳等分監邊鎮及畿
要

害 鞠
要

質寶

李時亨
南陽人

發明

明事至此存亡在于呼吸矣而猶遣內臣監造鎮守鐵輔一切要地昇之宵小于是若輩

專守城事百官皆不敢問雖有忠義之士且為掣肘而莫可如何卒之賣國售奸如杜勳杜之秩等即以所守闕城降賊而曹化淳旋復開門迎賊觀勳勤求禪位及我輩富貴固在之言可勝痛恨哉夫有明蠹政莫甚於信用內臣監軍鎮守麓轍累累莊烈際危急之秋尚不惜躬蹈其敗可謂至死不悟者矣歐陽修五代史傳論有云自古宦者之禍深矣明者未形而知懼暗者患及而猶安焉至於亂亡而不可悔也信夫

陳演罷

演與魏藻德排去周延儒演遂為首輔帝倚信演臺省附延儒者盡趨演門當是時國勢累卵中外舉知

其不支演庸才寡學一無籌畫顧以賄聞及李自成陷陝西逼山西廷議撤寧遠總兵吳三桂兵入守山海關策應京師帝意亦然之演特不可後帝決計行之三桂始用海船渡遼民入關往遼者再而自成已陷宣大矣演懼不自安引疾求罷詔許之賜通里費五十金彩帟四表裏乘傳行演既謝事薊遼總督王永吉上疏力詆其罪請置之典刑演入辭自言佐理無狀帝怒曰汝一死不足蔽辜叱之去演貲多不能遽行遂留京師

李自成陷寧武關總兵官周遇吉力戰死之

初遇吉駐代州憑城固守而潛出兵擊賊連數日殺賊無算會食盡援絕退保寧武賊亦踵至大呼五日不降者屠其城遇吉四面發大礮殺賊萬人火藥且盡外圍轉急或請甘言紿之遇吉怒曰若輩何怯耶

今能勝一軍皆忠義即不支縛我予賊于是設伏城內出弱卒誘賊入城亟下閘殺數千人賊用礮攻城圯復完者再傷其四驍將自成懼欲退其將曰我衆百倍于彼但用十攻一更當進蔑不勝矣自成從之前隊死後復繼官軍力盡城遂陷遇吉巷戰馬蹶徒步跳盪尚格殺數十人身被矢如蝟竟為賊執大罵不屈懸之高竿叢射殺之遇吉妻劉氏素勇健率婦女數十人據山巔公廨登屋而射每一矢斃一賊賊不敢通縱火焚之闔家盡死城中士女無降者自成集衆計曰此去厯大同陽和宣府居庸皆有重兵倘盡如寧武奈何不如且還俟再舉而大同總兵姜瓖宣府總兵王承允降表相繼至自成大喜遂長驅而東

質實

周遇吉 本朝乾隆四十一年追謚忠武

三月大同總兵官姜瓖宣府監視太監杜勳俱降于李

自成

自成至大同巡撫衛景瑗不知瑗已降賊敵血要與共守瑗布訖言謂衛巡撫秦人將應賊代王果疑之不見景瑗會景瑗有足疾不時出兵事瑗主之瑗兄瑄故昌平總兵也勸瑗降賊瑗慮其下不從人犒之銀言勵守城將士代王信之諸郡王分門守瑗每門遣卒二百人助守至三月朔賊抵城下瑗即開門迎賊入紹景瑗計事景瑗乘馬出始知其變也自陞馬下賊執之見自成自成欲官之景瑗據地坐大呼皇帝而哭賊義之曰忠臣也不殺景瑗猝起以頭觸階石血淋漓賊引出顧見瑗罵曰反賊與我盟而反神其赦汝耶賊使景瑗母勸之降景瑗曰母年八十餘矣當自為計兒國大臣不可以不死母出景瑗謂人曰我不罵賊者以全母也自縊于僧寺賊歎曰忠臣移其妻子空舍戒毋犯殺代王傳燭及其宗室殆盡

分巡副使朱家仕盡驅妻妾子女入井而已從之死者十有六人督儲郎中徐有聲山陰知縣李倬亦死之諸生李若蔡亦自經死賊至宣府巡撫朱之馮集將吏于城樓歃血誓死守懸賞格勵將士而人心已散監視中官杜勲且與總兵王承允爭先納款矣見之馮請以城下賊之馮大罵曰勲而帝所倚信特遣爾以封疆屬爾爾至即逼賊何面目見帝勲不答笑而去俄賊且至勲蟒袍鳴騶郊迎三十里外將士皆散之馮登城太息見大礮語左右為我發之默無應者自起點火則礮孔丁塞或從後掣其肘之馮撫膺歎曰不意人心至此仰天大哭賊至城下承允開門納之訛言賊不殺人且免徭賦則舉城譁然皆喜結彩焚香以迎左右欲擁之馮出走之馮叱之乃南向叩頭草遣表勸帝收人心厲士節自縊而死賊棄屍濠中濠旁犬日食人屍獨之馮無損也同日死者督糧通叛朱敏泰諸生姚時中副將齊龍及繫獄總兵

官董用文副將劉九卿及里居知縣
申以孝其他婦女死義者又十餘人
質實代王傅濟簡王桂十

世孫衛景瑗字仲玉韓城人朱家仕河州人徐有聲
金壇人李倬陝西人李若蔡山陰人朱之馮字樂三

大興人朱敏秦太原人姚時中保安人寧龍董用文
劉九卿里系無考申以孝宣府人本朝乾隆四十

一年追謚衛景瑗朱之馮忠節徐有聲烈愍朱家仕
李倬朱敏秦寧龍董用文劉九卿申以孝俱節愍李

若蔡姚時
中人祠

蔣德璟罷

廷儒為相各樹門戶德璟無所比性頗直黃道周召
用劉宗周免罪德璟之力居多開封久被圍自請馳
督諸將戰優詔不允嘗進御覽備邊冊凡九邊十六
鎮新舊兵食之數及屯鹽民運漕糧馬價悉志焉已

進諸邊撫賞冊及御覽簡明冊帝深嘉之諸邊士馬
報戶部者浮兵部過半耗糧居多而屯田鹽引民運
每鎮至數十百萬一聽之邊臣天津海運輸蘄遼歲
巨米三百萬惟倉場督臣及天津撫臣出入部中皆
不稽覈德環語部臣合部運津運各邊民運屯鹽通
為計畫餉額可足而加派之餉可裁因復條十事以
責部臣然卒不能盡釐也一日召對帝語及練兵德
環曰會典高皇帝教練軍士一以弓弩刀鎗行賞罰
此練軍法術所總小旗補役以鎗勝負為升降凡武
弁比試必騎射指嫻方准襲替此練將法豈至今方
設兵帝為懷然又言祖制各邊養軍止屯鹽民運三
者原無京運銀自正統時始有數萬迄萬厯末亦止
三百餘萬今則遼餉練餉并舊餉計二十餘萬而兵
反少于往時耗蠹乃如此又言文皇帝設京衛七十
二計軍四十萬畿內八府軍二十八萬又有中部大
寧山東河南班軍十六萬春秋入京操演深得居重

歌輕之勢今皆虛冒且自來征討皆用衛所官軍嘉靖末始募兵遂置軍不用至加派日增軍民兩困願憲章二祖修復舊制帝是之而不果行戶部主事蔣臣請行鈔法言歲造三十萬貫一貫價一兩一歲可得三千萬兩帝特設內寶鈔局晝夜督造募商發賣無一人應者德璟言百姓雖愚誰肯以一金買一紙帝不聽又因局官言貴取桑穰二百萬斤于畿輔山東河南浙江德璟力爭獲免先以軍儲不足歲餉畿輔山東河南富戶給值令買米豆輸天津多至百萬民大擾德璟因名對面陳其害帝即令擬諭罷之至是賊勢漸逼李建泰自保定疏請南還帝召廷臣于平臺諭曰國君死社稷朕將焉往德璟與少詹事項煜請命太子往江南帝不答給事中光時亨追論餉餉之害德璟擬旨向來聚斂小人倡為練餉致民窮禍結誤國良深帝不悅詰曰聚斂小人為誰且曰朕非聚斂但欲練兵耳德璟曰陛下豈肯聚斂然既有

舊餉五百萬新餉九百萬復增練餉七百三十六萬臣部實難辭責且所練兵馬安在薊督練四萬五

千今止二萬五千保督練三萬今止二千五百保鎮一萬今止二百若山永兵七萬八千薊密兵十萬昌

平兵四萬宣大山西及峽西三邊各二十餘萬一經抽練原額兵馬俱不問并所抽亦未練徒增餉七百

餘萬為民累耳帝曰今已并三餉為一何必多言德環曰戶部雖并為一州縣追比乃是三餉帝震怒責

以朋比德環力辯諸輔臣為申救尚書倪元璐以鈔餉乃戶部職自引咎帝意稍解明日德環具疏引罷

帝雖旋罷練餉而德環竟去位德環聞山西陷未敢行辭朝後即移寓外城無何都城陷得逃去而李建

泰在保定賊亦尋至其部下為賊內應城遂陷知府何復同知邵宗元御史金毓峒及中官方正化鄉官

張羅俊等皆不屈質實張羅俊字子伸清范人本死建泰竟降賊朝乾隆四十一年追謚烈愍

餘見前

封總兵官吳三桂唐通左良玉黃得功俱為伯

詔封三桂平居伯通定西伯良玉寧南伯得功靖南伯並徵諸鎮兵俱入援

李自成犯居庸守將唐通太監杜之秩以闕降

通先以兵入衛命與杜之秩同守居庸已而自成至通與之秩俱降賊遂入闕陷昌平焚十二陵總兵官李守鐸力戰死始自成欲知京師虛實往往遣其徒輦重貨賈販都市又令先部院掾史探刺機密朝廷有謀議千里立馳報及是昌平已陷兵部發騎補探輒被勾去無一還者賊避騎至平則門都人猶未知也帝台問羣臣莫對有泣者頃之賊環攻九門門外先設三大營賊至悉降守陴者寥寥益以內侍內侍

專守城事百司皆不敢問十八日丙午自成設座彰
義門外降賊太監杜勲待呼城上人請入城見帝監
視太監曹化淳等縋之入內勲盛稱賊勢請帝自為
計帝怒叱之出手書親征詔名駙馬都尉鞏永固以
家丁護太子南行永固叩頭曰親臣不
藏甲臣安敢有家丁相向涕泣而已
質實平則門
輟耕錄
元京師城十一門其正西門曰和義西之石曰肅清
西之左曰平則按明猶稱阜成門為平則門仍元舊
也九門明正統十年定九門南曰正陽南之左曰崇
文右曰宣武北之東曰安定西曰德勝東之北曰東
直南曰朝陽西之北曰西直南曰阜成彰義門金之
正西門新城築于明嘉靖中其西門曰廣寧而都人
至今以彰義呼之李守鐸里系無考
本朝乾隆四十一年追謚烈陸

京師陷帝崩

杜勳既叱出曹化淳等復絕之下城勳顧謂曰吾輩
富貴固在也及日晡化淳遂啟彰義門賊盡入帝出
宮登煤山望見烽火徹天嘆息曰苦我民耳徘徊久
之還宮命分送太子永定二王于周奎田宏遇第以
劍斫長平公主嘆曰汝何故生我家趣皇后自盡后
即承旨自經又所殺妃嬪數人十九日丁未昧爽內
城亦陷鳴鐘集百官無至者帝乃復登煤山書衣襟
為遺詔曰朕涼德藐躬上千天咎致逆賊直逼京師
皆諸臣誤朕朕死無面目見祖宗自去冠冕以髮覆
面任賊分裂無傷百姓一人以帛自縊于山亭遂崩
太監王承恩縊于側李自成擅笠縵衣乘烏駝馬入
承天門偽大學士牛金星偽南書宋企郊等騎而從
登皇極殿下令大索帝后期百官三日朝見已知帝
后崩自成命以宮扉載出咸柳棺置東華門外百姓
過者皆掩泣尋遷殯昌平州之士民率出錢募夫
募之田妃墓內軒建藿而封之一切簡率時臨危殉

難者文武諸臣則有大學士范景文尚書倪元璐左
都御史李邦華協理京營兵部左侍郎王家彥刑部
右侍郎孟兆祥右副都御史施邦曜大理寺卿凌義
渠太常少卿吳麟徵右庶子周鳳翔左諭德馬世奇
左中允劉理順檢討汪偉太僕寺丞申佳允給事中
吳甘來御史王章陳良謨兵部郎中成德吏部員外
郎許直兵部員外郎金鉉御史趙謨以及指揮同知
劉宗嗣都督僉事賀讚工部員外郎王鍾彥鎮撫司
僉事李若璉副總兵官顧國縉工部尚書何應瑞都指揮
顧家居按察副使顧國縉工部尚書何應瑞都指揮
僉事魏師貞參將高鏗工科給事中尹洗郎中周之
茂通判張維綱守備楊儒秀張大同萊州推官張力
指揮同知許達允順天通判張凝和御史俞志虞陳
統德員外郎寧承烈范方中書宋天顯光祿寺署丞
于騰雲都督方履泰千戶李國祿指揮同知李若珪
濮州知州馬象乾大同總兵朱三寨密雲副總兵呂

應蛟保定左衛指揮文運昌劉洪恩戴世爵劉元靖
呂九璋呂一照李一廣光祿寺少卿張羅彦邠州知
州韓東明南宮知縣彭四宏中書王永隆指揮使蕭
偲郎中葛凝秀冠可教主事楊會英沈邱知縣李昌
齡太醫院吏目楊元真定督標遊擊陳三捷虎賁左
衛參軍李正光右都督劉繼祖指揮馬國城郎中張
樞芳員外張三傑指揮張養所高甲虎賁右衛指揮
使劉一松張國維主事陳貞達都指揮梁德宏榮陽
知縣徐兆任樂亭知縣施溥博樂知縣徐有度平涼
同知郭寅兵馬司指揮姚成等共八十餘人布衣殉
難者湯文瓊最著而慕義蹈死不下百餘人歟戚則
宣城伯衛時春惠安伯張慶臻彭武伯楊崇猷寧遠
伯李再祖彭城伯張光祖定遠侯鄭文明鎮遠侯顧
聲迹西寧侯朱玉德清平侯吳遵周陽武侯薛漁恭
順侯吳汝徵新城侯王國興新樂侯劉文炳駙馬都
尉輩永固左都督劉岱皆同時死又宮人魏氏費氏

亦殉難死賊既入城汙殿廡越三日己酉昧爽成國
公朱純臣大學士魏藻德陳演率文武百官入賀皆
素服坐殿前自成不出羣賊爭戲侮為椎背脫帽或
舉足加頸上相笈樂百官攝伏不敢動陳演勸進不
許封太子為宋王放刑部錦衣衛繫囚自成自居西
安時建置官吏至是益盡改官制六部曰六政府司
官曰從事六科曰諫議十三道曰直指使翰林院曰
宏文館太僕寺曰驗馬寺巡撫曰節度使兵備曰防
禦使知府州縣曰尹曰牧曰令召見朝官自成南嚮
坐金星宗敏企郊等左右雜坐以次呼名分三等授
職自四品以下少詹事梁紹陽楊觀光等無不汚偽
命三品以上獨用故付即侯恂其餘勲戚文武諸臣
全純臣演藻德等共八百餘人送宗敏等營中拷掠
責賕賂至灼肉折脛備諸慘毒藻德遇馬世奇家人
泣曰吾不能為若主求死不得賊又令編排甲令五
家養一賊大縱淫掠民不勝毒縊死相望徵諸勲戚

大臣金金足輒敬之焚太廟神主時賊黨陷保定李
建泰降畿內府縣悉附山東河南編設官吏所至無
遠者自成謂真得天命金星率賊衆三表勸進乃從
之令撰登極儀詠吉日及自成升御座忽見神人長
數丈手劍怒視座下龍爪鬣俱動自成恐亟下鑄金
璽及永昌錢皆不就聞山海關總兵吳三桂起兵乃
謀歸所質寶臣等謹按明史李自成傳有遷明太祖神
陝西所質寶主於帝王廟一事考自成於甲申三月入
京大縱剽掠即焚明太廟神主肆為毒虐安知有遷
主之禮四月我
大清兵至山海關自成出拒敗潰奔還京師始僭號次
日即西走更無暇及此是特裨野所載明史採用之
不足据信且恭查我

世祖章皇帝實祿五月睿親王定燕京六月遣大學士馮

銓祭故明太祖及諸帝且為文祭告以明太祖神牌
入帝王廟是移主之事至睿親王定燕京後乃行之

仰見我

聖朝優禮勝國雖屋社之餘猶念其曾有天下特遣官

祀告彩置以禮俾得崇祀千秋如天之度超軼前代而傳聞之不足信亦于此可見矣煤山北上門之南曰壽皇殿殿之東曰永壽殿曰觀德殿殿之南則萬歲山俗所云煤山也田宏遇陝西人田貴妃父貴妃先卒葬于鹿馬山長平公主年十六帝選周顯尚主將婚以寇警暫停及城陷帝入壽寧宮主牽帝衣哭帝曰汝何故生我家以劍揮所之斷左臂又所昭仁公主于昭仁殿越五日長平主復甦本朝順治二年上書言九死臣妾踟躕高天顏髡緇空王稍申罔極

詔不許令顯復尚故主土田卹第金錢車馬錫予有加主涕泣踰年卒范景文當城陷趨至宮門知駕出就道旁廟草遺疏復大書曰身為大臣不能滅賊雪耻死有餘恨遂至演泉所拜辭闕墓赴雙塔寺旁古井

死景文死時猶謂帝南幸也其妾聞之即自經死福
王時贈太傅本朝順治九年追謚文忠倪元璐字
玉汝上虞人元璐聞難整衣冠拜闕大書几上曰南
都尚可為死吾分也勿以衣衾殮暴我屍聊志我痛
遂南向坐取帛自縊而死一門殉節者十三人福王
時贈少保吏部尚書本朝順治九年追謚文正李
邦華時率諸御史登城羣奄拒之不得上外城陷走
宿文信國祠及內城復陷乃揖信國曰邦華死國難
請從先生于九京作絕命詞投繯而死福王時贈太
保吏部尚書本朝順治九年追謚忠肅王家彥字
開美莆田人時廷臣分門守家彥守安定門帝手勅
兵部尚書張縉彥登城察視家彥從中官固拒示之
手勅問杜勲安在曰去矣秦晉二王欲上城家彥曰
二王降賊即賊也賊安得上頓足罵縉彥詣宮門
請見不得入黎明城陷家彥投城下不死自縊于民
舍遭賊焚殘一臂僕收其餘體馬福王時贈太子太

保兵部尚書 本朝順治九年追謚忠毅孟兆祥字允吉交河人兆祥奉命分守正陽門城陷兆祥曰社稷已覆吾將安之自經門下子章明字綱宜甫成進士兆祥揮之曰我死汝可去對曰君亡父死我何生為乃投繯于父側兆祥妻呂氏章明妻王氏同日並縊福王時贈兆祥兵部尚書章明河南道御史本朝順治九年追謚兆祥忠靖章明貞孝施邦曜當賊薄近却邦曜語兵部尚書張縉彥微天下兵勤王弗省邦曜太息去城隅趨長安門聞帝崩慟哭曰君殉社稷臣子可偷生哉即解帶自經僕救之復蘇恨曰是兒誤我賊滿衢巷不得還卽舍望門求縊輒為居民所麾乃令僕市信石雖燒酒即途中服之血迸裂而卒福王時贈太子少保左都御史 本朝順治九年追謚忠愍凌義渠得帝崩問負牆哀號以首觸柱流血被面門生勸無死義渠厲聲曰當以道義相勗何姑息為揮使去據几端坐乃取平生所好書盡焚

之曰無被賊手污也服緋正笏向闕拜復南向稽首
作書辭父自繫奮身絕吭而死福王時贈刑部尚書
本朝順治九年追謚忠介吳麟徵字聖生海鹽人
麟徵奉命守西直門門當賊衝賊詐為勤王兵求入
中官欲納麟徵不可以土石塞其門募死士絕城襲
擊多斬獲及城陷入道旁祠作書訣家人令殮用角
巾青衫覆以單衾以志哀痛自經死方賊陷山西時
劉逢總督王永吉請撤寧遠吳三桂兵守關門即京
師警旦夕可援天子下其議麟徵深以為然獨疏奏
數百言不省及烽火徹大內帝始悔不用麟徵言城
破時八門齊啟惟西直門堅塞不能通後發掘乃聞
福王時贈兵部右侍郎本朝順治九年追謚貞肅
周鳳翔字儀伯山陰人都城臨或有傳帝南幸者鳳
翔趨入朝見魏藻德陳演等羣入而自成方據御座
鳳翔至殿前大哭急從左掖門出賊亦不問歸至邸
作書辭二親題詩壁間自經死福王時贈禮部右侍

卽本朝順治九年追謚文忠馬世奇當城陷世奇
方早食投箸起問帝安在東宮二王安在或言帝已
出城或言崩或又言東宮二王被執世奇曰吾不死
安之其僕曰如太夫人何世奇曰正恐辱太夫人耳
作書別母肅衣冠捧所署司經局印望闕再拜自經
妾李氏朱氏並先縊死福王時贈禮部右侍郎本
朝順治九年追謚文肅劉理順字復禮杞縣人畿輔
告警理順疏陳作士氣矜窮民簡良吏定師期信賞
罰招脅從六事及賊犯京師急守卒缺餉理順詣朝
房詰諸執政急請帑衆唯唯理順太息歸捐家貲犒
守城卒僚友問進退正色曰存亡視國尚須商酌耶
城陷理順與妻萬氏妾李氏子孝廉并婢僕數人闔
門縊死羣盜多中州人聞其死入唁曰此吾鄉之劉
狀元也居鄉多厚德何遽死羅拜號泣而去福王時
贈詹事本朝順治九年追謚文烈汪偉字叔度休
寧人城陷偉語繼妻耿氏苦撫幼子耿泣曰我獨不

能從公死乎因以幼子屬其弟衣新衣上下縫引刀自刎不殊復投繯而死偉欣然曰是成吾志移其屍于堂授筆書于壁曰日講官翰林院檢討汪偉同繼妻耿氏死節處乃自經福王時贈少詹事本朝順

治九年追謚文毅申佳允字孔嘉永年人佳允出近畿閩馬聞李自成破居庸閩流涕曰京師必不守矣貽子涵光書曰吾受國恩當以死報城陷冠帶辭母策馬至王恭廠將投井從者持之下馬旁見灌畦巨井急躍入僕呼號欲出之佳允亦呼曰告太夫人有子作忠臣勿過傷也遂死福王時贈太僕少卿本朝順治九年追謚端愍吳甘來字受和江西新昌人帝嘗詰戶部餉額甘來曰臣科與戶曹表裏餉司按籍稽也臣所慮者兵聞賊而逃民見賊而喜恐非無餉之患而無民之患宜急急輕賦稅收人心帝領之及聞變疾走皇城不得入返作絕命辭盡取疏草焚之曰賊寇縱橫徒揚議論無益毫末留之罪彌大正衣

冠北向拜拔綵死福王時贈太常卿本朝順治九年追謚莊介王章字漢臣武進人章與給事中光時亨守阜成門賊入城時亨要章走章厲聲曰事至此獲惜死耶時亨曰死此與士卒何別入朝訪上所在不獲則死死未晚也章從之與時亨並馬行賊突至疾呼下馬時亨倉皇下跪乞降章揚鞭不顧叱曰吾視軍御史也誰敢犯賊刺章股墮章罵賊不絕口賊怒攢槊刺殺章而去抵暮其僕覓屍猶一手據地坐張口怒目如叱賊狀福王時贈大理寺卿本朝順治九年追謚節愍陳良謨字士亮鄞人良謨母老已未有子而妾時氏方娠乃謂之曰吾且死汝幸妊身急歸父母家時泣曰公殉國妾不當殉公耶倘不幸有他不如無子良謨曰能如是乎時乃先就縊時京師八年十八侍良謨才三百日耳時既死良謨望闕拜亦自縊福王時贈太僕卿本朝順治九年追謚恭潔成德字元升霍州人城破不知帝所在旁皇

廳事既趨至午門見兵部尚書張縉彥自賊所出德以頭觸縉彥胷且詈之俄聞帝崩痛哭持雞酒奔奠梓宮前觸地流血賊露刃脅之不為動莫畢歸家有妹年二十餘因家難未嫁德顧之曰我死汝何依妹請先死德稱吾哭而視其繼室霍氏請繼之德痛不及視入別有母哭盡哀出而自縊母見子女及子婦皆死亦投縊死閨門死難福王時贈光祿卿本朝順治九年追謚介隱計直字魯若如臯人賊薄都城約同官出資饗士為死守計及城陷傳帝南狩直將往從見賊騎塞道輒返曰四方兵戈駕將焉往已知帝崩一慟而絕客以七十老父為解直曰不死辱及所生乃作書寄父賦絕命詩六章閨戶自經死福王時贈太僕卿本朝順治九年追謚忠隱金鉉字伯玉武進人鉉初聞大同陷疏曰宣大京師北門大同陷則宣府危宣府危則大事去請急撤回中官杜勲專任巡撫朱之馮勲二心憤事之馮忠懇可屬大

事不報父京城破慟哭急趨入朝見宮人狂奔出知
帝已崩解牙脾北向四拜投金水河從者力挽之鉉
怒奮臂躍入死母章妻王弟錄並殉難死福王時贈
太僕少卿 本朝順治九年追謚忠潔衛時春類六
世孫掌後府京師陷懷鐵券閭門十七人皆赴井死
本朝順治九年追謚忠穆張度臻騏之後掌都督
府京師陷台親黨盡散貨財闔家自焚死 本朝順
治九年追謚忠毅鞏永固字洪圖宛平人尚樂安公
主都城陷時公主已薨未塋永固以黃繩縛子女五
人繫樞旁曰此帝甥不可污賊手舉劍自刎闔家焚
死 本朝順治九年追謚忠烈劉文炳字洪筠宛平
人以孝純皇太后弟子嗣封侯太后帝生母也文炳
素與太學生申湛然布衣黃尼麓講明忠義賊攻西
直門勢益急尼麓踰險告文炳宜自為計時太后母
瀛國太夫人尚在文炳與其母杜氏計太夫人篤老
不可俱燼請置之湛然家杜氏曰太夫人得所我與

若妻妹俱死耳外城陷文炳馳至崇文門殺賊數十人馳歸第毋妻及其妹已俱縊死家人共焚樓火烈不得入至後園與叔繼祖俱投井死弟文耀守外城城破奔還覓文炳死所大書版井旁曰左都督劉文耀同兄文炳畢命報國處亦投井死闔門死者四十二人而湛然以匿瀛國太夫人為賊拷掠終不言骸康爛以死本朝順治九年追謚文炳忠恪乾隆四十一年追謚文耀烈愍黃尼麓申湛然亦俱死平人趙謨雲南人巡視中城城陷罵賊被殺本朝乾隆四年追謚忠愍劉宗嗣清苑人分守東城力不支先縊殺妻毛氏媳王氏及妹女城陷被執罵賊奪刀殺二賊為賊支解死本朝乾隆四十一年追謚忠烈賀讚保定人總兵虎臣子賊薄京城迎擊為亂箭射死王彥彥華亭人賊至守廣寧門守將開門納賊被執不屈死李若璉新城人分守崇文門城陷自縊死李遇知洋縣人城陷方自縊被賊執不屈死王家禎

長垣人解職居家城陷賊兵據長垣遂自經死子元
玠從死顧國縉上海人聞城陷不食死何應瑞曹州
人聞城陷不食死本朝乾隆四十一年俱追謚忠
節魏師貞魏縣人城陷服命服拜闕自焚死高銓榆
林人城陷闔門焚死尹洗安肅人守西城罵賊死周
之茂字如松麻城人需次都下賊搜得之迫使跪不
屈折其臂而死張維綱清苑人守保定城及陷被執
不屈死楊儒秀里系無考守城力戰死妻杜氏投水
死張大同里系無考守城力戰死子之垣同死張力
東明人里居聞都城陷偕邑人殺所遣偽官為賊將
所執不屈罵賊死本朝乾隆四十一年俱追謚烈
愍許達允靈壽人尚書進五代孫城陷罵賊不屈死
張凝和忻州人賊薄城分守北門及陷死節俞志虞
新昌人城陷不食坐露林梓宮出東華門志虞往哭
自縊于新昌會館陳純德零陵人巡撫山西力陳扣
練鮮城陷慟哭自經死甯承烈字養純大興人嘗太

谷銀庫城陷自經于官廨北方同安人城陷被繫不
屈死宋天顯華亭人城陷為賊所執逼書偽詔罵賊
觸階死于騰雲大興人賊至語其妻曰我為朝臣汝
亦命婦不可污賊並服命服自縊死方覆泰全椒人
南和伯一元子城陷自刎死李國祿豐城人城陷自
縊李若珪順天人作絕命詞自經死馬象乾順天人
罷居里城陷率妻及子女五人死朱三樂賊陷大同
死之呂應蛟保定右衛人守保定城城陷殺賊死文
運昌劉洪恩戴世爵劉元靖呂九章呂一照俱保定
人李一廣嶧縣人皆守保定城戰死張羅彥清苑人
隨卽宗元守城城陷縊死韓東明安肅人守保定城
城陷投井死彭士宏廬陵人城陷罵賊死王永隆遇
變不食死蕭偁延安人以父蔭襲指揮職城陷死節
葛昶秀平定人城陷北向哭投縊死冠可教應城人
罵賊死楊會英寧鄉人城陷被執引頸就刃死李昌
齡咸寧人被誣下獄賊入城日輝之不食死楊元大

與人城陷與妻同縊死陳三捉臨清人賊逼真定徐
標被害三捉投縊死李正光龍游人城陷闔門盡節

劉繼祖海州人艾炳之叔分守東安門城陷投井死
馬國城靈壽人城陷殉節張程芳通州人城陷不屈

死張三傑魏縣人被執不屈死張養所定興人世襲
順天衛官城陷不屈死高甲順天人城陷同妻許氏

媳王氏女高氏弟婦劉氏姪女高氏同縊死劉一松
宛平人城陷與妻王氏自經死張國維湖口人被執

不屈死陳禎連宜興人城陷罵賊死梁清宏順天人
城陷不屈死徐兆任大興人居家城陷與妻張氏及

幼子同縊死施溥華亭人由縣天經歷升任未行城
陷仰藥死徐有度平湖人城陷罵賊遇害郭寅同安

人城陷不屈與二子皆死本朝乾隆四十一年俱
追謚節愍姚成字孝成餘姚人城陷自縊妻袁氏子

逢元俱殉死本朝乾隆四十一年追予入祠湯
文瓊字兆鰲石埭人間變慟哭自殺書文帶曰位非

文丞相之位心則文丞相之心賊徒見者皆歎其忠
後自成將其衣帶語以責陳演斬演于市其布衣盡
節者又有范箴聽楊鉉李夢禧張世禧以下共一百
四十餘人福王時贈文瓊中書舍人本朝乾隆四
十一年追予文瓊等俱入祠楊崇猷六合人信之
後城陷自縊死本朝乾隆四十一年追謚忠節李
尊祖鐵嶺衛人成梁之孫城陷與難張光祖永城人
麟十四世孫成陷殉節鄧文明虹縣人寧河王愈十
一世孫城陷殉節顧肇迹江都人夏國公瑛九世孫城陷
孫城陷殉節宋裕德定遠人鄆國公瑛九世孫城陷
殉節吳遵周遼陽人梁國公成八世孫城陷殉節薛
濱膠州人鄆國公祿九世孫城陷死節吳汝微涼州
人邠國公允成七世孫城陷自縊本朝乾隆四十
一年俱追謚節愍王國興東平人熹宗母孝和太后
弟昇之子本朝乾隆四十一年追謚忠節劉岱陝
州人以外戚世襲左都督城陷全家焚死本朝乾

隆四十一年追謚烈愍宮人魏氏城陷臨御河大呼
曰有志者當自為計遂投河死頃刻間從死者一二
百人宮人費氏自投簪并賊鈎出見其容爭奪之費
紿曰我長公主也羣賊不敢逼擁見自成自成命申
官審視非是以賞部將羅某費復紹羅曰我實天潢
義難苟合將軍宜擇吉成禮羅喜置酒極歡費懷利
刃俟羅醉斷其喉立死因自呼曰我一弱女子救
一賊帥亦足矣遂自刎自成聞大驚命收葬之

發明

明末甲申之變臨危授命捐軀殉難者實不
乏人載在明史列傳及忠義傳彰彰可考其

時迎降闖賊之徒賊且以其委蛇誤國用者少而
不用者多非予囚繫即加榜掠而諸君子成仁取
義視死如歸即喪節者亦義其得所福王時從逆
以六等治罪而文武臣殉難亦間與謚入祠然而
去取未公進退失實未足以風厲臣節如當時給
事中顧鉉彭瑄御史馮瑄登兵部員外郎鄭建蘭

行人謝于宣輩皆為賊拷掠死或逼令繼死乃一例贈官而垣登于宣且至謚以忠節即以南北阻絕無由核實而荒殘苟且轉至清混忠貞惟我

世祖章

皇帝定鼎之初于大學士范景文以下二十人及

特恩錫

衛時春張慶臻華永固劉文炳等俱邀

皇上紹述前徽廣揚義烈凡閭閻猷禍延甲申社稷俱核

實甄錄即我

朝天戈變伐抗我顏行者亦憫其忠于所事即許褒旌

恭讀

御製薩爾濟書事一篇我

太祖高皇帝

太宗文皇帝統勦旅數千破明兵二十萬明將如劉綎杜

松等亦憫其陷陣之孤忠至夫明室將傾如蔡懋

德周遇吉衛景琰朱之馮等俱嘉其奮身殉難致

命慨懷

特命儒臣按事覈真分別定論卿尹光易名之典士庶
邀俎豆之馨示彰瘁于勝朝植綱常于萬古集節
昭忠為從來所未有謹于莊烈帝死社稷之目類
書殉難諸人使當日覩顏降附者徒貽詬於無窮
而惟此義烈可嘉且邀闕揚于身後益以欽
聖人褒貶之大公所以昭衰錢于天下萬世者遠也

夏四月我

大清兵破李自成于山海關自成奔還京師僭帝號遂

奔山西

初吳三桂奉詔入援至山海關聞京師陷猶豫不進
自成執其父襄今作書招之三桂欲降至灤州聞愛
姬陳沅被劉宗敏掠去憤甚疾歸山海關破賊將自
成怒親帥賊十餘萬執吳襄于軍東攻山海關以別

將從一片石越關外三桂懼乞降于我
大清求共討賊遣將致書我睿親王其畧曰三桂以蛟

負之身荷遼東重任今以寧遠石偏孤立之故令三
桂棄寧遠而鎮山海思欲堅守東陞而鞏固京師也

不意流寇逆天犯關以彼狗偷烏合何能成事但京
城人心不固奸黨開門納款先帝不幸九廟灰燼令

賊首僭稱尊號擄掠婦女財物罪惡已極天人共憤
三桂受國厚恩欲興師問罪以慰人心奈京東地小

兵力未集特泣血求助乞念亡國孤臣之言速選精
兵三桂自率所部合兵以抵都門滅流寇于宮廷示

大義于中國乞王轉奏時睿親王統兵次翁後得三
桂書即遣使報之大畧言聞流寇攻陷京師明主慘

亡不勝髮指用是率仁義之師沉舟破釜誓不返旌
期必滅賊出民水火伯遣使致書深為喜悅遂統兵

前進伯雖向守遼東與我為敵今亦勿因前故尚復
懷疑若率衆來歸必封以故土晉為藩王國仇可報

身家可保三桂得書撫掌大喜遂請速進兵睿親王乃統健銳疾馳至沙河三桂報賊已出邊立寨柵矣

我

大軍迎擊之敗賊將唐通於一片石至山海關三桂開

闕出迎我

大清令三桂兵繫白布為識使之先驅遂入關時賊兵

二十萬皆多歷戰陣殊剽悍陣于關內自北山亘海

大軍布陣不能橫及海岸乃令軍士鱗次布列對賊陣

尾伺其氣衰奮擊之且戒勿越伍躁進違節制陣既

列三桂居右翼之末先悉其衆操戰圍開復合戰良久

久

大軍從三桂陣右突出衝賊中堅萬馬奔騰飛矢雨墮

天大風沙石飛走擊賊如電自成方登高岡觀戰知

為

大清兵急策馬下同走賊衆大潰自相踐踏死者無算

僥尾遍野溝水盡赤自成奔永平

大軍追之三桂先驅至永平自成殺吳襄走還京師時
偽大學士牛金星為賊守京城諸降人往謁執門生
禮甚恭金星曰訖言方起諸君宜簡出由是降者始
懼多竄伏矣自成至悉鎔所拷索金及官中帑藏器
皿鑄為餅每餅千金約數萬餅驟車載歸西安二十
九日丙戌自成僭帝號于武英殿追尊七代皆為帝
后立妻高氏為皇后自成被冠冕列仗受朝金星代
行郊天禮是夕焚宮殿及九門城樓詰旦挾太子二
王西走而使偽將軍左光先谷可成為後衛自成勒
諸璫悉取其金玉珠寶及出宮令羣賊各執守城白
楊杖逐之不分貴賤皆號泣徙質實一片石在永平
踣敗面流血走出京城門外府撫寧縣東北
山海關北七十里有關城城東為九門水口有水分
九道南下合為一流因名沙河在永平府遷安縣東
三十五里即
古小沮水

五月我

大清兵定京師

自成既西奔我

大軍所至諭以定亂安民共享太平之意百姓竄匿山

谷者悉還鄉里迎降恐後睿親王乃整兵入京師故

明諸臣迎於五里外下令安輯百姓民間安堵如故

命以禮改葬崇禎帝后建碑亭殿廡悉如典制並葬

帝妃袁氏及公主並熹宗后張氏神宗妃劉氏皆如

禮令民服喪三日尋議加謚

曰莊烈愍皇帝陵曰思陵

質實思陵在田貴妃寂

同董公主一即長平公主一為昭仁公主帝斫死于

昭仁殿熹宗后張氏祥符人莊烈帝上號曰懿安皇

后至是自縊神宗妃劉氏初封昭妃天啟崇禎時

嘗居慈寧宮掌太后璽莊烈帝事之如大母先薨

明史贊曰帝承神熹之後慨然有為即位之初沈
機獨斷刈除奸逆天下想望治平惜乎大勢已傾
積習難挽在廷則門戶糾紛疆場則將驕卒惰兵
荒四告流寇蔓延遂至潰爛而莫可救可謂不幸
也已然在位十有七年不遜聲色憂勤惕勵殫心
治理臨朝浩歎慨然思得非常之材而用匪其人
益以債事乃復信任官官布列要地舉指失當制
置乖方祚訖逆移身罹禍變豈非氣數使然哉迨
至大命有歸妖氛盡掃而帝得加謚建陵典禮優
厚是則

聖朝盛德度越千古亦可以知帝之家難而不辱其身
為亡國之義烈矣

御定資治通鑑綱目三編卷三十九